

Tupela kampani mekim mobail benking seif na isi - p2



Baki i strongim Victor - p7



FORTI
PESEN DISKAUNT
TAIM STOK EM STAP YET.
PROMOSEN BAI INAP LON DAI NAMBA
3 MUN APRIL 2016 TAIM STOK EM STAP YET.



Only at...
THEODIST
THE STATIONERY SUPERMARKET
Waigani Drive, POM
Ph:313 9800
sales@theodist.com.pg
Markham Road, LAE
Ph:472 5488
saleslae@theodist.com.pg



Sios Patnasip Program (CPP PNG) i kamapim Jenda Ikwali Tioloji we ol i bin autim long taim bilong stat bilong namba 23 CPP forum long Holide Inn, Pot Mosbi long Tunde dispela wik. Dispela polisi em bai helpim ol sios woka na ol pipel long save gut long laip na sindaun bilong man na meri olsem ol i kamap long piksa bilong God yet, long ol i mas gat rispek long wanpela narapela... *lukim moa stori na poto long pes 14 na 15 insait long dispela isu..* Poto: Maggie Lohia - CPP PNG Seketeriet

Bihainim Bogenvil Pis Agrimen

GAVMAN mas luksave na bihainim Bogenvil Pis Agrimen na i no ken pasim ai na feil gen long bihainim dispela agrimen, Oposisen Lida Don Polye i tok.

Mista Polye i tok pastaim gavman long bipo i no bin bihainim agrimen taim Panguna kopa main i bin kamap na bikpela pait long Bogenvil i bin kamap long dispela asua long gavman na kampani i no bihainim agrimen. "Sapos gavman na kampani i bin bihainim pastaim agrimen long stopim teilings dem long Jaba wara long Panguna kopa main, dispela bikpela pait bai no inap kamap long Bogenvil," Mista Polye i tok. Em i tok long lukluk bilong em, gavman nau i no givim bikpela luksave long Bogenvil Pis Agrimen bikos gavman i no givim moa long K400 milien em inap long givim long Atonomas Bogenvil Gavman. "Dispela mani inap long go stret long Presiden John Momis na Atonomas Bo-

genvil Gavman. "Ol i ken dispela dispela mani long kirapim gen skul, haus sik, rot na bris, na mekim sampela gutpela samting long bringim gutpela laip na bel isi i kam bek long Bogenvil. "Long yia 2019, Bogenvil bai kamapim wanpela referendum long kisim independens o long kamap olsem wanpela provins bilong PNG. "PNG gavman i mas helpim Bogenvil long kirapim gutpela rot, kisim gutpela haus sik na skul na arapela ol nambawan sevis long senisim Bogenvil. "Planti ol kantri na Yunaited Nesens (UN) i amamas olsem Bogenvil Pis Agrimen em i wanpela gutpela agrimen stret. "Tasol mi wari long ol yangpela pikinini long Bogenvil. Gavman i no ken

givim kain kain toktok na holim mani bilong ol. "Ol i mas kisim mani bilong ol larim Presiden Momis i kirapim nupela skul, kirapim nupela haus sik, helpim ol manmeri long kirapim ol SME bisnis na plentesen," Mista Polye i tok. Em i tok gavman no ken kisim politiks i go insait long Bogenvil Pis Agrimen. "Pasin bilong politiks i no ken kamap long dispela pis agrimen. Mi laikim bel isi long kamap. Tupela sait wantaim i mas wok bung wantaim long helpim ol pipel bilong Bogenvil. "Gutpela sindaun na bel isi mas kamap. Na dispela bai kamap sapos PNG gavman i givim gutpela luksave na bihainim stret dispela Bogenvil Pis Agrimen," Mista Polye i tok.

CHECK-IN FAST! CHECK-IN ONLINE!

Avoid the airport queue! Online Check-in is available from 24 hours to 3 hours before departure. *Online Check-in is not available for flights departing Australia and Japan.



Book Flights | My Flight | Book Hotels

Online Check In

Last Name

Booking Reference

Check In

K40,000 Win Moni

wanwan long 4pla
laki lain bai winim
K10,000
Sekim hau long joinim
resis insait long ol
stoa mipla makim



Gutpla taim wantaim Meadow Lea



Memba bilong Usino-Bundi, Anton Yagama

Usino-Bundi namba wan long givim 2015 mani ripot long ORD

James G. Kila i raitim

USINO-Bundi distrik em namba wan distrik long Madang provins long givim 2015 akwitals o mani ripot bilong en i go long Opis bilong Rurel Developmen.

Memba bilong Usino-Bund, Anton Yagama long las wik i givim mani ripot bilong ol projek we i kamap long distrik bilong em long ORD.

Insait long Momase rijon Usino-Bundi em namba tri

long givim mani ripot i go long ORD.

Ol bikman long ORD i amamas long kisim mani ripot long Mista Yagama na i tok amamas olsem Usino-Bundi i soim gutpela wok na pasin bikos maski olsem em rurel distrik long kantri ol wokman distrik i mekim gutpela wok long redim gut mani ripot bilong 2015 long givim i go long gavman long soim ol wok i kamap na rot distrik i yusim mani bilong gavman long wokim wok.

ORD i tok sampela ol distrik klostu long ol bikpela taun na siti i no givim yet 2015 mani ripot bilong ol, tasol Usino-Bundi i soim gutpela piksa tru long winim ol long givim ripot bilong en.

Mista Yagama i tok amamas long Usino-Bundi distrik edministreta long Walium wantaim ol wok lain bilong em na tu ol opisa long opis bilong memba yet husat i mekim gutpela wok long redim ripot long givim i go long ORD.

Mista Yagama i tokaut tu olsem ripot distrik i givim i soim ol piksa na ripot bilong mani we ol i yusim na dispela em isi long ORD long sekim.

Em i tokaut tu olsem bikpela luksave bilong em i stap long infrastraksa na edukesen na dispela ripot i karamapim wanem helpim memba i givim long wokim ol rot projek insait long distrik na tu sapot em i givim long edukesen bilong ol pikinini long Usino-Bundi.

Tupela kampani mekim mobail benking kamap seif na isi

WESTPAC Bank i laik mekim benking sevis bilong ol kastoma i kamap isi tru taim em i kamap patna wantaim bmobile-vodafone long stretim mobail benking sevis bilong em.

Westpac Bank i amamas olsem bmobile-vodafone i helpim ol wantaim dispela nupela sevis bikos mobail benking em i wanpela isi, seif na gutpela wei bilong mekim benking.

Dispela nupela sevis i kamapim bmobile-vodafone olsem wanpela gutpela mobail komunikesens kampani we em i save putim ol pipel i go pas na givim ol gutpela sevis long mekim laip bilong ol manmeri i kamap isi.

Long lonsing bilong nupela bmobile-vodafone stua long Vision City long Port Moresby long Tunde dispela wik, Sif Eksekutiv Opisa (CEO) bilong bmobile-vodafone, Sundar Ramamurthy, i tok dispela

nupela patnasip namel long Westpac na bmobile-vodafone bai helpim ol kastoma bilong tupela kampani wantaim.

“Ol kastoma bilong mipela husat i save benk wantaim Westpac bai gat sans long yusim dispela nupela mobail benking sevis.

“Dispela mobail benking sevis bilong mipela bai helpim ol kastoma bilong mipela husat i kastoma tu bilong Westpac,” Mista Ramamurthy i tok.

Menesing Dairekta bilong Westpac, Geoff Toone, i tok nupela mobail benking prodak bilong Westpac em i isi stret long ol kastoma i ken yusim.

“Nupela mobail benking prodak bilong Westpac em i seif na gutpela tru. Yu i ken yusim pin namba bilong yu long kontrolim trensekse bilong akaun bilong yu,” em i tok.



Mista Toone na Mista Ramamurthy i lukluk long ol mobail pon long mekim mobai benking. Foto: Nicky Bernard

Everyone is a winner on the friendlier network

Buy and activate a new SIM and get a **FREE Day Pass**.

LIMITED PERIOD OFFER

76003555 or 1555
connect@bmobile.com.pg

www.bmobile.com.pg

K5 tasol
Dial 1250 to activate SIM

prepaid

bmobile | vodafone

18006152 | www.bmobile.com.pg

FREE Day Pass

5 mins voice
Any network in PNG

5 sms
Any network in PNG

bmobile | vodafone

Miting bilong Konsaltetiv Mekenisem bilong Rijonal Asisten Misin long Solomon Ailans

PASIFIK Ailan Forum Moa Konsaltetiv Mekenisem bilong Rijonal Asistens Misin long Solomon Ailans (RAMSI) bai holim namba 12 miting long Honiara long Solomon Ailan long las wik Epril 2016.

Pastaim long dispela miting, ECM i lukluk raun long ol wok ples bilong RAMSI na ol narapela operesens RAMSI save sapatim na ol program long Honiara long 13 Epril.

Konsaltetiv Mekenisem (ECM) em ol Pasifik Ailan Forum Lida i bin statim long 2006 olsem wanpela hai level referens grup long toktok long wok progress na bod polisi daireksen bilong RAMSI.

Wankain olsem RAMSI i bin kamap long mekim wok bilong em long stretim lo na oda na long strongim ol wok bilong gavman, na ECM i was

long wok bilong wok bilong RAMSI na long sapatim senis bilong misin long taim senis i kamap long Solomon Ailans.

Siaman bilong ECM, Fred Yakasa, Hai Komisina bilong Papua Niugini long Solomon Ailan i tok, "dispela miting bai namba tu bilong ECM na em i bikpela samting bikos mipela bai toktok long taim bilong RAMSI bai pinis na pasim wok long Julai 2017.

ECM i gat ol senia gavman opisa bilong Ripablik bilong Palau, Papua Niugini na Federeted Stet bilong Maikronesia, olsem bipo, nau na bihain Siaman bilong Forum na tu Solomon Ailan na RAMSI.

Australia na Papua Niugini i memba bilong ECM, na Nu Silan bai stap insait long dispela miting bilong ECM long lukluk tasol.

PIF Seketeri Jeneral amamas long bekim bilong ol pablik

I GAT 47 polisi wok long rijon i bin kamap long opis bilong Pasifik Ailan Forum (PIF) pastaim long ol i pasim singaut bilong ol sabmisen long 2016 aninit long Fremwok bilong Pasifik Rijonalisem.

Dame Meg Taylor, Seketeri Jeneral na Siameri bilong Speselis Sab-Komiti bilong Rijonalisem i tok, "Mi laik tok tenkyu long olgeta lain husat i putim sabmisen long dispela yia. Laik bilong yupela long putim sabmisen i soim olsem yupela i gat amamas long Pasifik Rijonalisem. Em i soim tu olsem yupela i klia long wanem kain gutpela samting yupela inap kisim long ol Forum kantri i wok bung wantaim."

Sabmisen ol i putim em bilong ol polisi eria olsem turisem, helt, na planti long ol ria bilong klaimet o taim senis na Wes Papua.

"Em i nais long lukim nupela wei bilong wok na ol nid i kamap ples klia long rijon. Em i gutpela tu lng lukim olsem sampela sabmisen long dispela yia i sanap antap long rijonalisem polisi praioriti we i



Meg Taylor, PIF Seketeri Jeneral na Siameri bilong Speselis Sab-Komiti bilong Rijonalisem wantaim Praim Minista bilong Papua Niugini, Peter O'Neil long taim bilong wanpela nius konpres pastaim. Fail poto bilong PIF long Wantok Niuspepa.

bin aninit long dispela wankain pablik polisi wok long las yia. I gat moa toktok i kamap long wanem wei bai rijon inap long helpim wantaim hevi bilong ol taim i senis na long Wes Papua na tu i gat ol proposol bilong painim o lwei bilong strongim wok we i wok long kamap nau long eria bilong ICT NA fiseris."

Dame Meg i tok. Polisi sambisen o pepa i bin kam long ol wan, wan manmeri na long ol sivel sosialisem ogenaisesen na praivet

seкта, ol multi-kantri konsotium, multi-leteral ejensi, na academia bilong ol kantri long rijon olsem Australia, Cook Islands, Fiji, New Zealand, Papua Niugini, Samoa, Tuvalu, na Vanuatu.

Long taim bilong toktok long wanem narapela step long kisim insait long dispela wok, Seketeri Jeneral i tok olsem, "Ol Pasifik Lida i wanbel long putim yau long ol pipel bilong Pasifik, olsem na dispela konsaltetiv pablik proses i luksave

long wanpela strongpel tingting bilong polisi long mipela bai lukluk long en. Speselis Sab-Komiti long Rijonalisem na Pasifik Ailan Forum Seketeriet bai lukluk na skelim wan, wan sabmisen insait long narapela 6-pela wik i kam bihain. Dispela i soim olsem wanem kain polisi wok long rijon em ol lida bilong rijon i mas lukim na givim tok orait pastaim."

Speselis Sab-Komiti long Rijonalisem bai bung long toktok long sambisen long Jun pastaim long ol i wokim rekomendesen long Pasifik Lida taim ol i bung long Pohnpei, long Federeted Stet ov Maikronesia namel long 7 i go 11 Ogas 2016.

Speselis Sab-Komiti bai traime long redim ol rekomendesen i go long ol Lida long ol i mas gat sampela stratejik na hai level praioriti bilong rijon. Long mekim dispela, sab-komiti bai lukluk long ol wanem kain praioriti i stap nau na bai ol i ken mekim rekomendesen sapos ol i mas stap yet long asenda bilong ol Lida insait long 2016 yet.

Ileksen bai kosim K600 milien

Charlpetson Koi i raitim

MANI mak bilong 2017 Nesenel Ileksen bai kosim K600 milien taim ol i skelim wantaim 2012 eleksen.

Ilektoral Komisina, Patilias Gamato i tok aut long dispela tasol em i tok dispela i bikpela mani long wanem ol i bai traime long kisim dispela kos i kam daun.

Komisina Gamato i tok ol bai painim aut tru kos bilong 2017 Ileksen long Jun dispela yia.

Operesen kos bilong PNG Ilektoral Komisina bai bes

long poling skesuel. Sekyuriti, trenspot na lojistiks em ol bikpela bai kosim bikpela mani.

Long dispela, Komisina Gamato i tok long dispela bai ol i nidim helpim bilong ol provins na ol sampela dipatmen.

Long wankain taim, Deputi Operesen, David Manning, i tok long sait bilong sekuriti ol i wok wantaim Polis Komisina Gary Baki long katim daun long wokman bai go long ol ileksen hap tasol bai ol i wokim wok strong yet.

Nupela maketing kampani kam insait long PNG

WANPELA nupela maketing kampani i kam insait pinis long kantri na i redi long mekim bisnis.

iMarket i kam insait pinis na stap long Pot Mosbi. Dispela nupela kampani i laik helpim ol liklik grasrut manmeri long salim ol prodak bilong ol long maket.

iMaket em i nupela kampani we em i kam insait wantaim teknoloji na o samting bilong helpim ol SME bisnis manmeri long



salim ol prodak bilong ol i go aut long wol maket.

Sapos yu wanpela liklik ples man long Sepik wara na yu save mekim kaving, orait iMarket i redi long salim kaving bilong yu long

gutpela wol maket prais.

Sapos yu wanpela meri lalibu husat i save mekim bilum na sapos yu painim gutpela maket long salim dispela bilum bilong yu, orait yu ken kam lukim

iMarket na ol i ken salim dispela bilum bilong yu long gutpela prais.

iMarket i kisim nupela teknoloji i kam long larim ol manmeri i no ken westim taim na sindaun long maket.

Ol i ken stap long haus na iMarket bai salim ol samting bilong ol. Dispela em i wanpela gutnius na ol pipel i mas redi long mekim bisnis wantaim iMarket.

SAVING FOR A REASON?

SAVINGS IN A JAR

- ✓ Easy access to spend.
- ✓ No interest earned.
- ✓ Funds are not secure.

SAVINGS BSP PLUS SAVER

- ✓ No Card Access.
- ✓ Tiered credit interest.
- ✓ Linked to Mobile & Internet Banking.

A BSP Plus Saver Account for every savings goal

- Home Equity
- Dream Wedding
- Medical Bills & Emergencies
- Birthday Party
- New Gadgets & Phone
- Overseas Holiday

www.bsp.com.pg [f](#) [t](#) [in](#)

Baki i strongim Victor

KOMISINA bilong Polis, Gari Baki, i strongim makim bilong Victor Isouve olsem Asisten Komisina bilong Polis na bos bilong Kraim Dairektoret.



Komisina Baki i rausim namba bilong sif suparintenden na pinim namba bilong Asisten Komisina long siot bilong Mista Isouve.

Long wanpela liklik bung long Polis Hetkwata long Tunde avinun, Komisina Baki i rausim namba bilong sif suparintenden na pinim namba bilong Asisten Komisina long siot bilong Mista Isouve.

Isouve i stat wok taim stretpela pasin long Royal Papua Niugini Konstabuleri long yia 1977 wan-

Kraim long yia 2004 inap 2010, Provin-sal Polis Komisina bilong Oro long yia 2011 inap 2013 na Dairekta bilong Intenel Afeias long yia 2013 inap 2015, na em i kamap ekt-ing ACP Kraim klostu long dispela yia.

Komisina Baki i tok em i gat strong-pela bilip olsem Isouve bai lukautim Polis Fos wantaim strong, save na ek-spiriens bilong em.

Ol i bin rausim Damaru na Gitua

...Baki i strongim

POLIS Komisina Gari Baki i tok em i lukluk long komand na kontrol long i no gat wanpela kontrol i stap long Nesenel Fraud na Enti-Korapsen Dairektoret (NFACTD) na em i laik strongim na kamapim gutpela pasin bilong Royal Papua Niugini Konstabuleri (RPNGC).

"Mi laik strong komand na kontrol na rausim Dairekta NFACTD Sif Superintenden, Mathew Damaru, na Deputi Sif Inspekta, Timothy Gitua, long ol i slek long komand na kontrolim Fraud Skwat memba, na ol i kamap olsem nomol man na bihain ol rul na we bilong polis.

"Ol i bin rausim bikpela opisa long Fraud Inspekta, Joel Simatab, na ol bai holim pasim em na sasim em long em i

sakim toktok long braiberi na opisal korapsen.

"Ol i bin rausim 4-pela memba bilong Fraud Dairekta long ol i no bin mekim wanpela opisal wok painimaut long Simbu Provin-sal Edministresen. Ol bai lukluk long ol nara-pela memba bilong NFACTD long ol i no bin bihainim lo gut.

"Mi bin makim Senia Lugal Opisa na Riviu Opisa bilong Komisina, Sif Superintenden, Hodges Ete, olsem Ekting Dairekta NFACTD. Na tu, mi bin makim Sif Inspekta, Jacob Ivaroa, husat i Opisa long Sas bilong Spesol Polis Intenel Investigating Tim (SPIIT) olsem Ekting Deputi Dairekta bilong NFACTD.

"Mi gat bikpela bilip na strong long dispela tupela polis

opisa long bringim NFACTD i go bek long gutpela rot.

"Suprim Kot i tok olsem, Polis Fos em i disiplin fos na wan memba bilong fos i gat namba long renk bilong polis. Komisina em i namba wan long polis renk na olgeta memba bilong polis i mas bihainim ol oda bilong komisina.

"Damaru na tim bilong em i go long kot na kisim tok orait bilong holim pasim ol man tasol ol i no bihainim lo.

"Ol i mekim dispela na ol i pasim rot bilong mi long mekim wok olsem polis komisina.

"Mi olsem Komisina bilong Polis, mi no bin givim wanpela tok orait long Damaru na tim bilong em long mekim dispela kain wok," Baki i tok.

Man kilim Iran asailum sika i kalabus

LORENGAU Nesenel kot i salim Joshua Kaluvia na Louie Efi long kalabus bikos kot i painimaut olsem tupela i kilim wanpela asailum sika bilong Iran, Reza Berati, long Februari 17, 2014 long Manus Asailum Sika Prosesing Senta.

Kot i makim 10-pela yia long tupela man bai stap long kalabus, tasol dispela taim em ol i skruim kam daun bikos tupela i bin slip long Lorengau kalabus inap long

sampela taim. Kaluvia bai stap tripela yia na 4-pela mun na mekim bikpela wok na Louie bai stap tripela yia na tupela mun long wankain kalabus.

Jastis Nicholas Kirrowom i givim dispela taim long tupela bai stap insait long kalabus.

Olgeta nius lain i bin tokaut long dispela birua pasin i bin kamap na ol polis i bin mekim wok painimaut insait long tripela yia. Polis i ripot

olsem, taim wok painimaut i go het, Kaluvia i bin ronawe i go long Kimbe, Wes Nu Britein Provins, long abrusim ol polis, tasol ditektiv investigating tim i painim em bikos ol i bin bihainim mobail kol bilong em.

Polis i bin lonsim wanpela spesel polis operesen we ol ditektiv i wok-about ran long olgeta hap long kauntri long painim Kaluvia.

Wanpela wanlain bilong Kaluvia i tok olsem Kaluvia i bin

dai tasol ol i bin mekim wok painimaut yet na holim pasim Kaluvia long Kimbe long yia 2014 na salim i go long Manus long sanap long kot.

Kaluvia i bin ronawe gen long dispela yia long Manus, tasol spesel polis operesen i bin holim pasim em gen na lokim em long sel inap long kot i bin salim em i go long kalabus.

Manus Provin-sal Polis Komanda Senia Inspekta, David Yapu, i tok olsem disisen bilong

Nesenel kot long salim tupela man, i kilim Berati, i go long kalabus i mekim em i pilim orait.

Em i tok, nius bilong dispela birua pasin i go aut long intenesenel midia na taim ol pablik i harim olsem kot i kalabusim tupela man bai bringim gutpela sain bilong jastis sistem bilong PNG.

Yapu i tok tenkyu long ditektiv tim husat i mekim wok painimaut na pinisim wok bilong ol wantaim gutpela risal.

Ol bikpela eleksen det

Charlpetson Koi i raitim

ELEKTORAL Komisina, Patilias Gamato i tok aut long ol bikpela det bilong 2017 Nesenel Ileksen i go long ol het bilong ol dipatmen long las wik.

Komisina Gamato i tok bai ol i givim aut ol Rits na nominesen bai op long 4 klok long apinun

long Fonde, Epril 20 neks yia. Nominesen bai pas long 4 klok long avinun long Fonde, Epril 27.

Em i tok poling taim bai stat long Sarere long 24 Jun, neks yia na poling bai pinis long Sarere, 8 Julai neks yia.

Em i tok ol Rit i mas go bek long Mande, 24 Julai na ol Lokal Level Gavman (LLG) Eleksen i mas

go bek long Mande, 7 Ogas long 2017.

Komisina Gamato i tok nominesen de bai kisim 7-pela de, em bai stat long Epril 20 na pinis long 27 neks yia NA Kempen taim bai kisim 8-pela wik, long 20 Epril inap 8 Julai neks yia.

Em i tok poling taim bai kisim 14-pela de we i bai stat long 24 Jun na

pinis long 8 Julai long 2017.

Gavana Jenerel i tok orait pinis long ol dispela Nesenel na LLG Eleksendet na Ilektoral Komisin i tok aut pinis long ol dispela det.

Nesenel Ileksen na LLG Eleksen bai kamap long wankain taim. Taim Nesenel Ileksen i pinis stret bai LLG Ileksen i stat.



Westen Provins long Trinde i bin dai.

Tripela lain namel long ol i bin stap laip inap ol i go kamap long Kiunga haus sik na ol i dai.

Westen Provin-sal Polis Komanda, Joseph Puri, i tok ol i bin kisim wanpela helikopta bilong wanpela driling kampani i go long hap balus i bin pundaun na ol i kwiktai kisim tripela lain husat i stap laip i go long Kiunga haus sik, tasol olgeta i dai taim ol i go kamap long haus sik.

Puri i tok moa olsem balus i kam kamap long bles balus long 02.20 avinun na dispela hevi i kamap.

"Balus i bin pundaun long wanpela taisples, mak long 1 kilomita long Kiunga ples balus," Puri i tok.

"Ol i bilip olsem raun bilong balus em insait yet long Wewak na ol bai mekim wok painim aut long dispela tok yet.

"Mipela i no gat klia tingting yet long balus i bungim birua na mipela i wari tru olsem provins bai bungim hevi.

Tasol, disepla hevi i no inap pasim ran bilong ol balus long ples balus bilong mipela na ol balus i ran i go kam i stap long ol nomol bisnis taim bilong ol."

Em i tok moa olsem, nau yet ol i no save long wanem samting stret i kamapim dispela birua na ol ari kres invetigeta bai mekim wok painimaut long dispela bihain.

Puri i tok olgeta bodi bilong lain dai i stap yet long Kiunga haus sik.

Em i tok tenkyu long OK Tedi Main-ing Limited na ol polisman husat i hariap long helpim operesen bilong sevim laip bilong ol man na salim ol bodi i go long Kiunga haus sik klostu taim bihain long balus i bungim birua.

NGCB i gat nupela bos meri

NESENEL Eksekyutiv Kaunsil i makim Imelda Agon i kamap nupela Sif Eksekyutiv Opisa (CEO) bilong Nesenel Geming Kontrol Bod.

Praim Minista Peter O'Neill i tokaut long dispela nupela apoinmen long las wik bihain long kabinet i bin wanbel long

makim Mis Agon i kamap nupela bos bilong dispela kampani bilong gavman.

Mista O'Neill i tok kabinet i luksave long komitmen na wok bilong Mis Agon na i makim em i kamap nupela CEO bilong NGCB.

"Ministerial Eksekyutiv

Apoimen Komiti i bin mekim disisen bilong makim Mis Agon i kamap nupela CEO bilong NGCB na kabinet i givim tok orait long larim em i bosim NGCB," Mista O'Neill i tok.

Em i tok Mis Agon i fit long kisim dispela nupela wok bikos em i gat

bikpela ekspirens long bod level na em i bin wok longpela taim long NGCB.

"Aninit long Seksen 28 bilong Gaming Kontrol Act 2007 na Seksen 9 bilong Regulatori Statutori Atoritis Act 2004, na Seksen 41(2)(a) bilong Public Sevis (Menesment) Act

2014, kontrak wok bilong Mis Agon i stat long Febueri 8," Mista O'Neill i tok.

Mista O'Neill i makim maus bilong gavman na tok amamas long Mis Agon i kalap i go antap long dispela nupela wok na em i tok gavman bai sapatim em long dispela wok.

Gavman laik kirapim planti skul

EDUKESAN Minista Nick Kuman i tok kantri i nidim moa manmeri wantain save long teknikal na arapela wok we ol foren wok lain tasol i wok long mekim nau long PNG.

Mista Kuman i tok taim kantri i lukim planti gutpela samt-

ing i kamap, edukesen em i wanpela bikpela samting we gavman i wok long promotim long larim ol yangpela manmeri i gat save long wok na statim gutpela sindaun.

“Taim planti nupela risos projek i kamap long maining na petrolium sekta,

dispela i nidim ol skul manmeri long kisim wok.

“Yumi no ken kisim ol sip leiba i kam insait long ovasis. Olgeta yia planti yangpela manmeri bilong yumi yet i wok long pinisim skul na I go aut.

“Yumi mas larim ol dispela yangpela

manmeri i painim gutpela wok mani na kamapim gutpela sindaun,” Kuman i tok.

Em i mekim dispela toktok las wik Fonde long Pot Mosbi.

Mista Kuman i tok gavman i wok long sapotim ol yangpela manmeri bilong dispela kantri wantim

fri edukesen polisi.

“Dispela polisi em i karim kaikai. Planti ol sumatin husat i no gat mani i kam insait long skul na i lainim ol nupela samting,” Mista Kuma i tok.

Em i tok gavman i laik helpim ol yangpela manmeri na kamapim dispela fri edukesen polisi.

Bai- Ileksen i mas pinis

Charlpetson Koi i raitim

OL Bai Ileksen i mas pinis hariap bipo long 2017 Nesenel ileksen i stat.

Ilektoral Komisina, Patilias Gamato, i mekim dispela toktok long ol hetman bilong ol nesenel dipatmen

long las wik.

Komisina Gamato i tok i gat tripela Bai Ileksen ol i mas karim aut na pasim bihain long 24th de bilong Julai, 2016.

Ol dispela Bai Ileksen em long Samarai-Murua, Saut Bogenvil Bai Ileksen na Not Flai Bai Ileksen.

Long Not Flai Open, Komisina Gama to i tok memba bilong Open sia, Boka Kondra i failim wanpela apil long Suprim Kot.

Em i tok long dispela bai, dispela Bai Ileksen long Not Flai bai wetim disisen bilong Suprim Kot.

Nupela sik bilong moskito kamap

OL manmeri i mas klinim banis bilong ol gut na i no ken putim pipia na rabis arere long haus bilong ol bikos nupela sik bilong moskito i kam insait long kantri.

Nem bilong dispela sik em i dengi (dengue) na sapos moskito i kaikai yu, bai yu kisim dispela sik. Em i wankain olsem sik malaria tasol dispela dengi fiva bai mekim yu skin pen na het i pen narapela kain stret.

Dispela em i toktok i kam long Seketeri bilong Helt, Pascoe Kase. Mista Kase i tok dengue fiva i wok long kamap na moskito i wok long kamapim dispela sik.

Mista Kase i tok ol manmeri i mas klinim ples na slip long moskito net long abrusim birua bilong dispela sik.

Dispela sik i bin kamap



Moskito isave kamapim dengi fiva. Poto: Intanet

wanpela gutpela samting long klinim ples na abrusim dispela sik, wanpela man Morata i tok.

“Dispela sik i no gat marasin.

Olsem na ol manmeri i mas abrusim dispela sik. Wei bilong abrusim dispela sik em long klinim ples na no ken larim moskito i kaikai yu.

“Banis bilong yu i mas klin. No ken larim sampela wara i stap long baret. Rausim ol kar taia i stap nating, na sapos sampela ol tin o dram i gat opela deti wara i stap insait, rausim dispela ol wara no gut.

“No ken larim ol dren wara i sting na stap longpela taim. Dispela kain smting i save kamapim gutpela ples bilong helpim ol moskito i karim planti pikinini na kamapim moa sik.”

long Kiunga na Daru long Westen Provins tasol nau dispela sik i kamap bikpela long Pot Mosbi.

Long ol setelmen olsem Morata, planti manmeri i

wok long kisim bikpela bagarap bikos ples i no klin.

Dispela nupela sik i wok long kisim ol manmeri Morata na ol i no mekim

Het bilong Dipatmen i kisim salens

Charlpetson Koi i raitim

PAPUA Niugini Ilek-toral Komisina wantaim Opis bilong Sif Seketeri i wok long toksave long ol narapela het bilong dipatmen long progres bilong ileksen.

Dispela bung namel long ol het bilong ol dipatmen na provinsal edministreta i kamap las wik.

Ilektoral Komisina Patilias Gamato i givim toktok long ol wok i go het na tok-

tok long plen na redi long 2017 Nesenel na Lokel Level Gavman (LLG) ileksen.

Em i toktok long ol bikpela isu na ol salens i ken stopim wok bilong 2017 Nesenel na LLG ileksen long go het.

Long wankain taim, Sif Seketeri Isaac Lupari, i askim ol dipatmental het na ol provinsal edministreta long sapotim 2017 Nesenel ileksen.

Sif Seketeri Lupari i salensimol het bi-

long ol dipatmen na ol distrik edministreta long impruvim skil bilong ol insait long pablik sevis.

Em i tok wanem rot bai ol i bihainim long senisim ol pasin. Em i tokol i sot long komyunikesen we ol i mas impruvim na ol rot bilong tingting .

Long dispela, Sif Seketeri Lupari i laikim ol lida long wok bung wantaim na kamapim gutpela, seif na fri ileksen.

NRI i kisim 4-pela kadet

Charlpetson Koi i raitim

NESENEL Risets Institut (NRI) i makim 4-pela nupela greduet long joinim

2016 Kadetsip program.

Dispela program i kamap long pulim ol yangpela greduet wantaim ol digri bilong ol long kamap pablik polisi risetsa.

Lweis Iwong, Maureen Thomas, Sarah Kaut Nasengan na Lulu Abraham, ol i makim ol wantaim gutpela mak olsem taim ol i stap long yunivesiti long kamap kadet.

Dispela kadetsip program i givim sans long ol yangpela greduet long trenim na skulim ol. Ol bikpela risetsa bilong PNG think-tank i save skulim ol.

“Kantri i lukim bikpela sot long ol bikpela akademik saveman tasol, i no planti yangpela pipel i bihainim wok bilong risets,” Sinia Deputi Dairekta, Dokta David Ayres i tok.

Dokta Ayres i tok olsem think-tank i

go pas long kantri, NRI i nidim moa saveman bilong PNG risetsa wantaim ol save long karim aut polisi analisis wok.

Em i tok insait long kadetsip program, NRI i kisim ol yangpela greduet wantaim gutpela akademik rekoit na wantaim intres long risets wok na go het long groim risets intres bilong ol.

Long wankain taim nupela kadet, Lewis Iwong, i makim maus bilong 4-pela kadet i tok dispela program em i gutpela tru.

Mista Iwong i tok, “Ol i lainim planti nupela skil bilong mekim risets wok na ol bai inapim 8-pela program.

Insait long dispela kadetsip program i gat 8-pela kain kain program we bihainim ol kadet i lainim rot bilong risets bai ol i go insait long dispela.



Digicel Play Box givim nupela Sanel...

OL kastoma bilong Digicel play box bai kisim tupela nupela sanel long play box bilong ol. Dispela tupela nupela sanel em long TVWAN Eksen na TVWAN Life we ol senisim liklik long tupela olupela sanel bilong ol long TVWAN na TVWAN Ragbi. Dispela tupela sanel bai mekim ol kastoma bilong Digicel play box bai amamas long lukim wanem fevered piksa bilong ol o fevered spot bilong ol. Dispela tupela olupela sanel bai stap yet tasol ol bai lusim sampela so ol save gat long en. Poto i soim Digicel play CEO Nico Meyer i putim on tupela nupela sanel taim ol lonsim long Mande. Poto stori Nicky Bernard.

UPNG Greduet sumatin tok Tenkyu long MRDC

“MRDC em i trupela Menesmen Ogenaisesen we i save lukautim gut ol welt na risos bilong kantri bilong yumi. Mipela lukim olsem MRDC i bin stap long fran tru long mekim bikpela invesmen bilong ol papa bilong ol risos na long gutpela bilong kantri olgeta”.

Dispela em ol toktok bilong Bisi-ape Paul, wanpela bilong ol 9-pela yangpela man na meri bilong Sauten Hailans na Hela Provins husat i bin amamas long kisim Basela Digri long namba 61 greduesen bilong Yunivesiti bilong Papua Niugini las wik wantaim sapot bilong Mineral Risos Developmen Kampani (MRDC) na ol sapot kampani bilong en.

Bisi-ape husat i greduet wantaim wanpela digri long Bisnis Edministresen na Pablik Polisi i makim maus bilong ol wan greduet bilong em na tok tenkyu long MRDC long komitmen bilong ol long kantri long invesmen bilong ol Inog skulim ol man.

Em i tok i gat planti sumatin i gat bikpela save husat inap long go insait long ol bikpela institusen insait

long Papua Niugini na Ing narapela kantri tu.

Ol i gat save long kamap ol sta i lait long dispela kantri tasol rot i pas long skul fi bikos skul fi long ol bikpela institusen i bikpela tumas.

Tasol, Bisi-ape i tok MRDC wantaim gutpela menesmen tim bilong em na ol strongpela lida bilong en nau i givim fri presen long planti sumatin taim ol i putim mani i go insait long edukesen bilong ol long kantri na long ausait kantri tu.

Em i tok amamas long ol dairekta bilong MRDC na ol narapela lain kampani bilong ol olsem, Petroleum Risos Kutubu (PRK), Petroleum Risos Moran (PRM), Petroleum Risos Gobe (PRG), Mineral Risos Ok Tedi No 2 (MROT), na



Bisi-ape Paul, Bisnis Edministresen na Polisi Greduet, wantaim famili bilong em we ol i bin kam long Erave, Sauten Hailans Provins long lukim em greduet.

Mineral Risos Star Mountain (MRSM) long ol i save sapotim ol pipel ol i makim.

“Mipela i bilip olsem nau menesmen na ol dairekta bilong MRDC bai helpim mipela yet long gutpela sapot long bihain taim yet” em i tok.

Namel long ol 9-pela greduet i

gat tupela meri na 6-pela man, tupela sumatin i greduet long Skul bilong Marasin na Hel Saiens (Medikal Fakalti), 4-pela bilong Skul bilong Humanitis na Sosel Saiens, tripela bilong Skul bilong Bisnis Edministresen na Pablik Polisi na wanpela long skul bilong

Ol dispela sumatin i hap lain bilong Developmen bilong ol Sumatin long Bihain taim (FSDA) na ol lain kisim sponsa long MRDC na ol lain hap kampani bilong en, Petroleum Risos Kutubu (PRK) na Petroleum Risos Moran (PRM) long taim ol i stap long yunivesiti.

BSP projek helpim Darava Elementeri



Ol komyuniti wok wantaim BSP wokman na wokmeri helpim long wokim semen bilong tenk i sanap.

DARAVA Komyuniti long Talasea Distrik i amamas long Benk Saut Pasifik Kimbe Brens i helpim ol wantaim tupela nupela 9,000 lita wara tenk long lokal Elementeri Skul bilong ol we ol i bin givim i go long komyuniti long las wik tasol.

Ol wokman na wokmeri bilong BSP Kimbe i wok bung wantaim Darava Komyuniti long putim ol dispela tupela wara tenk long elementeri skul bilong ol. Darava Elementeri skul em i stap longwe long Kimbe olsem 45 minit tasol long ran long kar i go, na em i ples bilong ol hatwara i save kamap long maunten

paia bilong Wes Nu Briten.

Ol sumatin na ol ples lain i save wokabout olsem wanpela kilomita i go daun long ol hul bilong ol hatwara long kisim ol wara bilong dring. Ol i save kisim kam putim long em bai kol pastaim long ol i save dring dispela wara.

Wantaim nupela ten wara nau ol sumatain na ol tisa inap long kisim wara bilong dring klostu tasol na ol bai gat moa taim long mekim skul wok.

BSP wokman na wokmeri bilong Kimbe Brens i bin wok long dispela projek wantaim komyuniti

long Darava inap long tupela wik long pinisim dispela projek. Ol tim bilong BSP i helpim long klinim hap bilong putim projek, putim semen bilong as bilong tenk i sanap na ol i givim sampela taim moa long putim ol taia swing bilong ol pikinini i pilai.

Long taim bilong givim ol projek samting, Brens Menesa bilong BSP Kimbe, Ruby Patu i tok, tim i amamas long ol inap givim samting long helpim wanpela komyuniti long dispela wei, na ol i painim yet sampela narapela wei moa long stretim sindaun bilong ol komyuniti.

Indonesia Gavman redi long skolasip

Frieda Sila Kana i raitim

INDONESIA Gavman skolasip bilong ol wokman na wokmeri bilong gavman i go kisim ol bikpela skul long yunivesiti bilong Indonesia em i redi nau long kisim ol nupela lain bilong 2016 enrolmen.

Long Fraide wik i go pinis, bos bilong edukesen o Edukesen na Kalsa Attase, Dokta Sedercor Melatunan bilong Indonesia Embasi long Pot Mosbi, wantaim Dokta Ben Sahusia Wane, Leksera bilong Tok Ples Bahasa long Yunivesiti bilong Papua Niugini i bin wokim wanpela kibung long opis bilong haia edukesen long Waigani long tok klia moa long dispela skolasip.

Sampela lain husat i bin harim long dispela skolasip i bin kamap long kisim moa toksave tasol i no planti tumas. Indonesia Embesi long Pot Mosbi i laik givim 15 skolasip long ol gavman opisa o pablik sevan long Papua Niugini na Solomon Ailan. Dispela skolasip em bilong wokim skul moa bikong



(L-R) Dokta Sedercor Melatunan bilong Indonesia Embesi long Pot Mosbi, wantaim Dokta Ben Sahusia Wane, Leksera bilong Tok Ples Bahasa long Yunivesiti bilong Papua Niugini. Poto: Frieda Sila Kana.

kisim Masta Digri o Dokta Digri (PhD) long wanem ol eria bilong wok we i stap aninit long dispela skolasip.

Dokta Melatunan i bin tok olsemDispela skolasip em i save op long olgeta yia long ol sumatin bilong Papua Niugini na Solomon Ailan tasol i no gat planti lain i save aplai long kisim. Olsem long las yia, wanpela skola tasol i bin go insait na nau em i skul long wanpela yunivesiti long Indonesia.

Em i tok moa olsem Indonesia i laik givim skolasip anini tlong kategori bilong Kesentaraan Ne-

gara Negara Berkembang (KNB) em i skolasip program bilong patnasip wantaim ol kantri we i wok long develop yet.

Taim bilong kisim skul long Indonesia em tripela yia na 8-pela mun bilong lainim Tok Ples Indonesia. Long kisim Masta pepa bai gat 4-pela mun long redi na bihain kisim narapela 24 mun long pinisim skul stret.

I gat 4,300 yunivesirit long Indonesia husat i givim sapot bilong ol long kisim ol sumatin aninit long KNB skolasip tasol gavman bilong Indonesia i makim 15

biknem yunivesiti tasol long stap insait long program.

Skolasip bilong wan, wan man bai stap long mak bilong IDR 1,000,000 wantaim mani bilong stap long kantri inap long IDR 2,350,000, Risets Alawens IDR 400,000 na Buk Alawens long IDR 350,000. I gat helt insurens long mak bilong IDR 200,000 wantaim wanpela raun trip intenesenel balus tiket.

Dokta Melatunan i tok, Indonesia embesi i tok save bilong ol Papua Niugini long Indonesia kantri na ol pipel em i liklik o i no gat tru. Na em i wankain tu long ol lain Indonesia. Ol tu i no gat gutpela save long Papua Niugini na ol pipel bilong en, maski tupela kantri i stap klostu tru long narapela. Olsem gavman bilong Indonesia i kamap wantaim dispela skolasip bilong kisim moa Papua Niugini na Solomon Ailan pipel long go skul na i ken strongim pasin brata namel long gavman bilong Indonesia na gavman bilong tupela kantri.

Komyuniti Helt Senta kisim sola lait

LUMI Helt Senta long Sandaun Provins nau i gat lait long ol haus sik wod na ol rot bilong ol wantaim nupela sola pawa lait we Benk Saut Pasifik i putim long haus sik.

Ol sola lait bai bringim gutpela senis long ples bilong klinik long ol wokman na wokmeri na ol sikman na sikmeri wantaim long stap na wokabut fri insait long eria bilong klinik long nait taim.

Bos bilong Lumi Helt Senta, Ella Benjamin, i tok tenkyu long Benk long helpim bilong en.

"Long planti yia Helt Senta i no gat gutpela lait bilong mekim wok

insait long ol wod. Ol wokman na wokmeri i save helpim ol mama karim bebi insait long tudak wantaim ol lait bilong tos na mobail fon tasol."

Jack Seimoni, Provincial Dairekta bilong Pablik Helt, i tok tenkyu bilong em long BSP long projek.

"Sola Lait i kamap long Lumi Helt Senta em i mekim bikpela senis long ol sikman na ol helt wokman na wokmeri long gutpela wei, bikos dispela senis i mekim ol wokman na wokmeri i senisim pasin na nau ol i save helpim gut ol sikman na sikmeri long taim bilong imejensi long nait

na ol inap long helpim ol meri long karim bebi wantaim gutpela lait." Em i tok.

"Em i wanpela gutpela presen na mipela bai kisim olsem samting bilong mipela yet na bai mipela i lukautim gut bihain long dispela projek i pinis. Tenkyu long BSP i makim Lumi Helt Senta olsem wanpela komyuniti projek bilong yupela. BSP em i no wanpela benk nating tasol, em i hap bilong komyuniti bilong mipela tu. Tenkyu BSP," Em i tok.

BSP Brens Menesa bilong Aitape na ol wokman na wokmeri i bin givim taim bilong ol yet long ol wiken long



BSP Aitape Brens bos na ol wokman na wokmeri bung wantaim ol wokman na wokmeri bilong Lumi Helt Senta.

helpim long putim ol Sola Panel, digim graun bilong ol pos na long sanapim pos bilong strit lait na ol i penim pos na klinim hap bilong projek bai stap. Dispela projek ol i bin wokim insait long 3-pela wik tasol.

Long 2016, BSP brens na statejik Bisnis unit (SBU) i gat plen long bringim 45 komyuniti projek long olgeta hap bilong kantri inap long mani mak bilong K1 milien na moa.

49 HRCN sumatin greduet

Loutova Siapea i raitim

EM i no isi long kisim skul na trening insait long foapela yia long kamap profesenel helt wokman na wokmeri olsem 49 sumatin bilong Hailans Rijinol Koles ov Nesing (HRCN) long Goroka, Isten hailans i painimaut.

Ol dispela 49 greduet nes i bin greduet na kisim diploma long Jenerel Nesing bilong ol long Yunivesiti ov Goroka long aste Trinde,

Namba bilong ol nes sumatin i greduet em ol man 25 na 24 em ol meri. Namel long ol i bin gat tupela brata na susa, Fala na Rhonda Saida husat i bilong Lufa

Distrik, Isten Hailans.

Rhonda i tokim Wantok Niuspepa olsem i luk olsem dispela em i namba wan taim long lukim tupela sumatin husat i bilong wanpela papa na mama i greduet.

Mis Rhoda i tok olsem bihain long tupela i bin pinisim gret 12 edukesen long Goroka Sekenderi skul long 2012, tupela wantaim i bin aplai long HRCN na kisim ofa we i bihainim stret driman bilong tupela long kamap na kisim trening long dispela institusen.

"Wankain olsem ol arapela sumatin, mipela i no save kaikai na slip gut, long wanem, mipela i mas kisim trening stat long 8

kilok moning na pinis long 4 kilok avinun, 5-pela de long wanpela wik.

Trening em i hat, tasol long kamap long dispela mak, greduet na kisim diploma bihain long foapela hatpela yia em i bikpela samting", Rhonda i tok.

Em i tok amamas long papa bilong em Maus Saida, husat i bin lusim planti tuhat long sapotim em na brata bilong em Fala i kam inap long tupela i greduet long aste.

Rhonda na Fala i dediketim diploma bilong tupela wantaim bikpela amamas i go long papa na mama bilong tupela husat i save i stap long Genoka Setelmen long Goroka yet.

ExxonMobil PNG volantia tingim Wol TB De



EMPNG Prodaksen Opereta Albert Bowman i toktok wantaim ol sumatin bilong Baguale Paimer Skul long Wol TB De.

OL 30 ExxonMobil PNG (EMPNG) volantia i tingim Wol TB De long las wik bilong mun Mas insait long tupela skul, Komo Katolik Paimer Skul long Hela na Guaguale Paimer Skul insait long Sauten Hailans Provins.

Tenpela EMPNG volantia i go long

Baguale Paimer Skul long Sauten Hailans na narapela 20 volantia i go long Komo Katolik Paimer Skul long Hela. Ol volantia em ol wokman na wokmeri bilong ExxonMobil PNG i go bung wantaim ol sumatin, tisa na ol papa na mama long skul wantaim ol piksa posta na ol

liklik toksave pepa long toktok bilong Tubekulosis.

Bikpela toktok long dispela taim em long TB em i wanpela sik nogut na sapos ol pipel i no kisim marasin hariap, em inap long kilim ol idai.

Tasol dispela sik i gat marasin long pinisim.



Urgent Public Notice

The Orders of Papua New Guinea 2016 New Year's Honours Investiture Ceremony

This is an urgent Public Notice to recipients of The Orders of Papua New Guinea 2016 New Year's Honours List that due to the State visit of the President of the Republic of India to Papua New Guinea on Thursday 28th April 2016, the date of the Investiture Ceremony for the above stated Honours List has now been deferred to:

Date: **Friday 29th April 2016**
Time: **2:00pm – 4:00pm**
Venue: **Government House – Port Moresby**
Dress: **Formal**

All recipients must be present at Government House by 12:00pm noon for rehearsal and orientation. Due to limited space, each recipient is allowed two guests only. Late arrivals will not be entertained. All recipients are kindly asked to make the necessary arrangements to attend the Investiture Ceremony on the date stated above.

For further information and/or to confirm your attendance please contact **Mr. Gavera Igo and Mr. Maguli Bernard on Tel: 313 7000, and/or email Mrs. Nelly Pouna: npouna@governmenthouse.gov.pg and Mr. Maguli Bernard at: mbggooffice@gmail.com.**

Tipo Vuatha, LVO, MBE

Official Secretary – Office of Governor General



PIH Saveman Nias

"I kam long Pacific International Hospital Port Moresby"

Ph: 311 3000 and 799 88000 Website: www.pihpng.com

The Threat of Dengue is Real:

This is what you can do to help

The nation is gearing up to fight the outbreak of the deadly Dengue fever. This dreaded disease has already claimed a few lives in PNG.

As per Pacific International Hospital (PIH), there has been a sudden upsurge in the number of Dengue cases coming to them. PIH has already witnessed and recorded an increase of almost 700% cases of Dengue since January this year.

This has led to an internal mobilization within PIH for disseminating public awareness about Dengue fever and the basic steps that can help in thwarting this dreadful ailment.

The health officials are witnessing a sharp rise in cases of dengue fever as a serious threat. According to WHO; Dengue incidence has increased 30-fold during the past 50 years.

According to the CEO of PIH, Dr Amyna Sultan,

"There has been a sharp rise in the number of Dengue cases presented to PIH. We have been following the WHO/NDOH guidelines in treating these patients. Our medical team has been advising either home-care with frequent out-patient follow-up or treatment where the indicated patients are offered admission for close monitoring in the hospital. Currently, around 50% of the total patients admitted to the hospital are Dengue-afflicted. Fortunately, there has been no mortality in any of the patients who first presented to PIH-ER with onset of symptoms.

We are in constant touch with NDOH and are part of their surveillance programme and have disseminated WHO-vetted information internally."

The current dengue epidemic in PNG can be traced back to poor mosquito control and rapid urbanization.. There is an unspoken urgency for developing programs to cope with the situation that emphasizes disease prevention and mosquito control measures. The comprehensive strategy should cover key areas like: eradicating all larval habitats, improving environmental sanitation and effectively controlling mosquitoes' population in the community.

Ultimately, the control program can only be successful when government and the general public plays the principal role in prevention and control of epidemic dengue and DHF (Dengue Haemorrhagic Fever). A very crucial step in this fight against dengue is awareness of the citizen to aid the government is defeating this menace.

Prevention and Control Options




As per CDC Prevention Guidelines Database the government can include five components:

- Proactive Surveillance;
- Rapid-response Emergency Vector Control;
- Long-term, integrated community-based mosquito control;
- Education of the Medical Community;
- Emergency Hospitalization Plan.

The options available for prevention and control of epidemic dengue can include the following:

Aedes aegypti eradication,



Ultra-low volume (ULV) insecticide application, Preventive measures keyed to improved surveillance, Routine mosquito control efforts and Continued spraying of insecticides. However, ultimately success of the program will depend on public participation since most transmission occurs at home. Therefore, considerable effort should be placed on public education. If dengue fever is recognised early, it can be effectively treated and most deaths can be prevented.

Know all about Dengue

What is Dengue fever?

Dengue fever is a mosquito-borne disease caused by the virus named Dengue. The disease can manifest suddenly as fever and headache. Dengue needs immediate medical attention.

Female mosquitoes mainly of the species *Aedes aegypti* transmit the virus. There are 4 serotypes of the virus that causes dengue and these are commonly called as DEN-1, DEN-2, DEN-3, and DEN-4. Dengue fever is also known as "break bone" fever because of the severe muscle and joint pain. A small percentage of individuals who have dengue fever can develop a more serious form of disease known as dengue hemorrhagic fever (DHF) that is characterized by bleeding from nose, gums and even skin along with high fever.

Dengue hemorrhagic fever can trigger dengue shock syndrome and can lead to excessive bleeding and even death.

Places with high risk of dengue

Dengue is normally found in tropical and sub-tropical climates around the world, most commonly in urban and semi-urban areas. The epidemic outbreak can occur anytime, as long as the mosquito is active. Conditions like high humidity and temperature favours mosquito survival.

Transmission

The virus is transmitted to human through the bites of infected female mosquitoes.

Aedes aegypti mosquito (also called tiger mosquito due to presence of characteristic stripes on their body) is the primary vector for the disease. These species of mosquito are day biters and breeds in clean water mostly in household pots, broken coconut shells and open overhead tanks.


Symptoms

Symptoms usually appear 3-14 days after the infected mosquito bite.

- Severe flu-like symptoms
- High fever (40°C/104°F) accompanied by a severe headache
- Severe body aches and joint pains.
- Rash and swollen glands
- Pain behind the eyes
- Abdominal pain and vomiting

Warning signs

- Rush to hospital if you have symptoms like:
- Severe abdominal pain



- Persistent vomiting
- Bleeding from gums, nose or even bleeding spots on the skin.
- Rapid breathing
- Excessive tiredness and drowsiness

Vaccination and Treatment

There is no universally available vaccine for dengue fever. There is one vaccine that has been licensed for use in only three countries (Mexico, Philippines and Brazil). However, studies have shown it is effective only approximately 50-60% of the time. There are other vaccines currently in development but have yet to start clinical trials.

The only way to prevent infection is to avoid being bitten by mosquitoes. Treatment of Dengue fever depends on the severity of the symptoms. Some people can be treated at home while others might need hospitalization for 24/7 monitoring. There is no specific antiviral drug commercially available for the Dengue virus.

Take rest and drink plenty of fruit juices and avoid medicines like aspirin and ibuprofen and blood thinning agents as that can lead to more bleeding.

Measures for Prevention

Preventive measures are very important and crucial in stopping the spread of Dengue.

Aedes mosquito usually breeds in freshwater collections in artificial containers especially in plastic cups, flowerpots, broken bottles, overhead tanks that are not properly sealed.

Drain and remove water from artificial containers, flower vases regularly. Discard the items like bottles, tins and rubber tyres which collect rainwater and stored for long duration

Sleep under mosquito nets and use repellents even in daytime

Clean and keep covered domestic water storage containers

Spray insecticides in mosquito breed areas

Use window screens, coils, vaporisers and insecticide-treated materials

Dispose of solid waste properly and remove artificial man-made habitats

Apply appropriate insecticides to outdoor water storage containers

Protect yourself from mosquito bites by wearing long-sleeved clothing

Don't ignore any fever; get medical advice at the earliest.



DEFEND YOURSELF AGAINST DENGUE

Be aware of the mosquito bite. Act before it's too late.

Prevention is the only key to stop the infection

Get rid of mosquitoes in your homes and workplace	Clear any water stagnation	Use mosquito repellents/nets	Wear light and loose clothes
---	----------------------------	------------------------------	------------------------------



Pacific International Hospital : Sec 105, Lot 2, Taurama, 3 Mile, Port Moresby, PNG, Ph: 799 88 000
 PIH Clinic : Ground Level, Vision City Mega Mall, Waigani Drive, Port Moresby, PNG, Ph: 7 100 2873
 info@pihpng.com | www.pihpng.com | f /pihpng | @pihpng



Helt na Edukesen stetmen bilong ol Katolik Bisop

OL Katolik Bisop bilong PNG na Solomon Ailan (SI) i bin wokim stetmen long Helt na Edukesen long pinis bilong namba 57 Anuel Jenerel bung bilong ol i bin kamap long Vanimo, Sandaun Provins.

Bung i bin kisim tupela wik na pinis long las wik Fraide.

Long makim ol bisop, Presiden bilong Komprens bilong ol Katolik Bisop bilong PNG na SI, Bisop Arnold Arowae i tok "long laik bilong yumi long kisim mari-mari bilong God i go long ol tarangu, ol lain i no gat pawa na strongim ol long lukim marimari bilong Bikipela, Katolik Sios i laikim bai ol i edresim wok patnasip wantaim gavman long kisim ol helt na edukesen sevis we i bruk daun.

"Dispela gutpela wok patna na pren namel long tupela bilong kamapim gutpela samting i no kisim gutpela luksave na i wok long bruk daun na bagarap na olsem, yumi mas stretim

hariap," Bisop Arnold i tok.

Bisop Arnold i tok i gat planti Katolik man-meri insait long provin-sel na nesanel pablik sevis dipatmen na planti moa i holim ol bikipela wok long politik sait i ken mekim samting long dispela eria.

"Ol Katolik komyuniti i singaut long ol dispela Katolik lei pipel na ol narapela gutpela lain i stap long posisen bilong pawa long skelim o distributim gut ol sevis, karimaurt gut wok bilong ol wantaim stretpela pasin na jastis taim ol i karimaut ol wok," Bisop Arnold i tok.

Em i tok ol bisop i luksave na tok tenkyu i go long ol memba bilong PNGSI Federesen bilong Rilijes husat i mekim ol wok long helpim ol tarangu na tok makim ol long planti taim.

Em i tok ol bisop i tok ol i amamas tru long ol Katolik Profesenel husat i mekim ol toktok long ol sosel isu insait long dispela kantri.

"Mipela i bilipo

olsem ol toktok bilong ol bai karium kaikaina ogenaesen bilong ol bai gro na helpim ol pipel.

Em i tok Katolik komyuniti i laik lukim Divain Wod Yunivesiti i wok strong long promotim ol sosel tising na trening bilong ol sosel woklain na ol i ken helpim long karim maus bilong ol tarangu na lain i no gat gutpela samting, o sik o i gat bagarap long sampela hap bodi bilong ol.

Long sait bilong Katolik Edukesen Sevis, Bisop Arnold i tok wok patnasip we sios na stet i bin stsatim long yia 1970 taim Katolik Edukesen Sevis i joinim gavman edukesen sistem long fomim yuuni-faid sistem bilong edukesen i stap nau long hevi, na i laik bagarap.

Em i tok wanpela piksa em long Tusen Fi Fri Edukesen (TFF) we i gat planti hevi na i no balens.

"Bikos long dispela TFF Polisi, ol klasrum i pulap tru na planti ol bikipela sumatin em ol i

putim ol long ol lowa gret na wokim we bilong ol i go antap olsem ol adal.

"Infrastraksa olsem ol klasrum i no inap long bikipela namba o populesen bilong ol sumatin.

"TTF na ol narapela polisi i sut long em we gavman i go hetim em ol i no toktok wantaim ol sios na wokim na nau, ol hevi i wok long kamap," Bisop Arnold i tok.

Bisop Arnold i tok maski Planti wok i kamap long tupela i toktok wantaim, i luk olsem Katolik Sios i wok long lusim kontrol long ol skul bilong em.

Em i tok ol i no ol skul nau we sios i ken kari-maut wok evenjelisim, katekisim, eduket na serim marimari bilong God wantaim ol pikinini.

Long sait bilong Katolik Sios Helt Sevis (CCHS), em i bikipela samting long ol Katolik komyuniti bikos em i rot we sios i save kari-maut hiling ministri bilong Jisas.

"Ol mama, ol bebi na ol pikinini i save kisim bikipela helpim na sevis, moa yet long klinik bilong ol bel mama na banis sut program.

"Katim baset bilong sios helt sevis, we i lukim kat long ol sevis, pe bilong ol woklain na operesen i no gfulpela disisen gavman i mekim. Katim baset bai kamapim moa hevi long hiling ministri na moa yet, long ol rurel eria we bikipela populesen i stap long en.

Bisop Arnold i tok gavman i no bihainim tok promis em i mekim long Madang long 20213 we Praim Min-ista Peter O'Neil i bin promisim ol bisop long holim wanpela miting o bung wantaim ol bisop na na ol Edukesen na helt minista na seketeri long toktok long ol hevi na stretim ol hevi.

"Tasol ol dispela bung i no kamap na i gat planti samting i stap we yumi mas stretim. Mipela i gat laik yet long holim ol dispela bung," Bisop Arnold i tok.



Stori bilong tupela brata

TUPELA brata i stap wantam insait long wanpela haus. Nem bilong bikipela brate em i Vali, na liklik brata em i Vagi.

Vagi em i wanpela yangpela man i save bihainim lotu. Klostu olgeta nait em i bihainim felosip, Baibel stadi na Baibel sering, prea miting na lukim ol sikmanmeri na tarangu. Olsem na planti taim em i save kam bek leit long haus.

Wanpela moning, bihain long kaikai breakfast, bikipela brata bilong em, Vali i tokim Vagi olsem: "Bilong wanem olgeta nait yu save kam leit long haus? Klostu olgeta nait yu stap long haus lotu. Wanem samting Haus lotu bai givim yu taim yu gat hevi o trabel? Haus lotu bai inap long helpim yu a? Inap Sios i helpim yu taim yu sik a?"

Vagi i sindaun isi na i no mekim wanpela tok. Em i harim tasol wanem samting bikipela brata bilong em i tokim em. Tasol em i no stop long bihainim lotu na narapela spiritual activities ol i wokim insait long Sios.

Long wanpela apinun, taim Vagi i kam bek long wok na waswas pinis na redi long go long haus lotu, wanpela pren bilong em, Raka, i ringim em na tokim em olsem; "Bikipela brata bilong yu, Vali nau i stap long sel. Polis i kotim em taim em wantaim pren bilong em i dring stim na spak, smokim mariwana na narapela drag polis i painim long poket bilong ol. Polis i kisim ol na nau Vali na pren bilong em i stap long haus sel. Yumi go lukim em pastaim na bihain yumi go long prea miting bilong yumi".

Vagi na Raka i go long Polis stesen. Taim ol i kamap, ol i lukim wanpela polisman long fron bilong opis. Nem bilong Polisman em, Domara.

Domara em i wanpela eldabilong sios i save go pas long prea miting na Baibel Stadi. Raka na Vagi i save long em. Olsem na Raka i tok: "Mista Domara! Inap mitupela i lukim Vali. Yupela i bin kotim em wantaim pren bilong em taim ol i spak na smuk spak brus. Vali em i bikipela brata bilong Vagi. Mitupela i redi go long Baibel stadi, tasol mipela i tingim Vali olsem na mitupelai i kam lukim em pastaim".

Taim Polisman, Mista Domara i harim olsem Vali em i bikipela brata bilong Vagi, em i kirap nogut tru na i tok: "Ok. Bai mi singautim Vali i kam na yumi toktok wantaim em".

Mista Domara i go na i no longpela taim em i bringim Vali i kam aut long bungim Raka wantaim liklik brata bilong em, Vagi.

Mista Domara i askim Vali olsem: "Vali, yu em i bikipela brata bilong Vagi a? Tasol mi no save lukim yu long haus lotu. Mi lukim Vagi tasol i save harim skul bilong mi na joinim narapela aktiviti mipela wokim long sios. Bilong wanem yu no inap joinim mipela? Sapos yu joinim mipela, mi bilip olsem ol Polisman i no inap kotim yu olsem nau. Wanem samting bai mipela mekim long yu nau?".

Vali i daunim het bilong em na harim toktok bilong Polisman, Mista Daru. Bihain Vali i tok: "Larim mi stap long sel long tripela de pastaim. Long dispela tripela de, bai mi tinting na prea, bai mi kisim strong. Mi sori tru nau. Bikos mi no bin bihainim liklik brata bilong mi Vagi. Sampela taim mi kros long em, bikos em i save bihainim lotu na kam bek leit long haus. Mi rong pinis, bikos mi larim mi yet bihainim pasin nogut bilong narapela pren bilong mi. Mi sori tru nau!"

Jisas i tok: Yupela i no lain sipsip bilong mi. Olsem na yupela i no save bilip. Ol sipsip bilong mi i save harim maus bilong mi, na mi save long ol, na ol i bihainim mi (John: 10: 27 - 28).

Ol meri i go pas long pis na rikonsilieisen long Manetai

BOGENVIL krais is em i bin brukim planti famili na klen insait long ol komyuniti.

Planti hevi bilong krais is i stap yet long ol kominiti insait long Bogenvil. Tasol dispela em i no mekim ol meri long surik bek.

Insait long Manetai eria, long Sentrel Bogenvil, i bin gat wanpela rikonsilieisen i bin kamap long namba 13 bilong Mun Epril.

Dispela sekan na wanbel em tupela meri i bin go pas long em. Dispela tupela meri em ol i bilong sait bilongol lain i kamapim hevi.

Tupela i bin gat bilip na strongpela laik long stretim hevi na i bin go lukim ol famili lain bilong viktim. We ol i bin wanbel long lusim olupela bel na pogivim ol dispela famili bilong dispela lain i bin kamapim hevi.

Dispela hevi i bin kamap long yia 1994 we tupela yangpela man i bin lusim laip bilong ol long han bilong ol BRA long Manetai yet. Tu-



: Ol meri i go pas long sekan long pasin kastom bilong kaikai buai.

pela yangpela em leit Lazarus Kerepas na late Herman Siroke.

I bin gat planti kain ol hevi ibin kamap na i stap yet long Bogenvil.

Brata bilong late Lazarus, Max Kerepas i bin mekim apil i go long olgeda pipel bilong Bogenvil long stretim ol hevi bilong Bogenvil

krais is na mov fowod. Taim yumi stretim hevi na lusim olpla bel, yumi frim sol bilong ol lain ibin lusim laip bilong ol tu. Dispela sekan ibin

kamap long pasin kastom we ol ibin kaikai buai, tamatama, na klinsin seremoni we ol i usim ol laip bilong bus na oil bilong kokonas.

Gavman i gat sik bilong abrusim ol agrimen

GAVMAN long PNG i gat wanpela bikpela sik i stap wantaim em. Dispela sik em i no sik bilong nau, nogat.

Em i sik bilong long taim yet. Dispela sik i bin bagarapim sampela pikinini bilong PNG. Sampela i nau wok long kisim bikpela taim na bungim bikpela hevi bikos long dispela sik.

Dispela sik em i no sik we ol dokta na haus sik manmeri i ken givim marasin long stopim. Em i sik bilong tingting na sik bilong pasin.

Dispela sik em i sik bilong abrusim ol agrimen we gavman i save kamap olsem wanpela pati na sainim.

Yumi lukluk long Bogenvil Pis Agrimen. Planti samting i no stap stret long Bogenvil bikos gavman i pasim ai na feil long bihainim dispela agrimen.

Stori bilong Bogenvil em i no wanpela fani stori. Em i stori bilong blut i kapsait na planti laip i lus. Tasol gavman bilong PNG i lukim olsem dispela em i samting nating na em i no moa bihainim agrimen.

Dispela agrimen i tok long PNG gavman bai givim K100 milien long Atonomas Bogenvil Gavman long wan wan yia i go inap yia 2019.



Tasol moa long K400 milien we gavman inap long givim i go long Bogenvil i no go yet. Na dispela em i ples klia asua bilong PNG gavman.

Em i soim olsem sik ya i stap yet nau. Dispela sik bilong abrusim ol agrimen ya i no pinis yet. Em i stap yet wantaim dispela gavman.

Pastaim gavman bilong PNG

bipo taim Panguna kopa main i bin operet i bin feil tu long harim ol sampela singaut na krai bilong ol papagraun.

Na em i ples klia tu olsem gavman i no bin bihainim agrimen namel long ol na papagraun long dispela taim.

Wok bilong gavman long olgeta kantri em long lukautim ol pipela

na putim intres bilong ol pipel i go pas.

Tasol dispela sik bilong abrusim ol agrimen i mekim PNG gavman i kamap olsem wanpela gavman bilong helpim ol foren kampani na risos divelopa.

Planti taim gavman bai bihainim agrimen em i holim wantaim ol foren kampani tasol em bai no inap pret long bihainim agrimen em i holim wantaim ol liklik manmeri na wantaim ol papagraun.

Dispela kain sik tasol i bin mekim na bikpela pait long Bogenvil i bin kamap na gavman i bin lukim dispela.

Gavman i pasim ai long harim singaut na krai bilong ol papagraun bilong PNG LNG Projek. Olgeta royalti mani bilong ol i stap we?

Ol papagraun i tok ol i no save wanem hap stret ol royalti mani bilong ol i stap. Aninit long oil na ges lo, dispela mani em I mani bilong ol papagraun stret.

Ol papa graun i gat rait long kisim dispela mani. Tasol gavman i haitim dispela mani bilong ol. Gavman i no bihainim lo stret.

Gavman i no bihainim olgeta toktok em i bin mekim long UBSA agrimen ol i bin sainim long Kokopo taim ol i laik kamapim

PNG LNG Projek.

Gavman i tok long kirapim sampela kain supa haiwe, intanesenel ples balus na haus sik, grot senta na planti gutpela samting.

Tasol dispela olgeta samting i no kamap bikos tok promis i kamap wara nating. Ol pipel i ting gavman i tok tru na sampela ol i wet yet.

Sampela turangu manmeri i dai pinis. Sik bilong gavman long abrusim agrimen i lukim moa mani bilong ol PNG LNG papagraun i tu i lus long Waigani.

Ol papagraun bilong Juha, Angore na Hides i paul bikos mani i lus nating. Na em i lus na em i go wer?

Gavman i gat ai o em i ai pas? Dispela sik i no ken stap, em i mas go aut. Dispela sik bilong abrusim ol agrimen em i no ken stap long Waigani bikos em i wanpela no gut sik stret.

Gavman i mas nau rausim dispela sik. Wanpela samting em i mas mekim long rausim em long bihainim Bogenvil Pis Agrimen na helpim ol manmeri bilong Bogenvil i kisim gutpela sindaun na bel isi long komyuniti.

Na gavman i mas luksave long Kokopo UBSA agrimen na helpim ol papagraun bilong PNG LNG Projek.

PNG i redi long Klaimet Senis Lo

Charlpetson Koi i raitim

KLAIMET Senis Developmen Atoriti (CCDA) insait long Papua Niugini i pinisim proses o wok bilong lainim na i redi long tok orait long global Klaimet Senis Agrimen em Paris Agrimen.

PNG i gat ligel na polisi fremwok we i inapim implemensesen bilong Paris Agrimen.

Wantaim dispela institutesenel straksa i stap, bikpela gol bilong kantri em long mekim senis i kamap long liklik kabon ikonomi.

Long PNG bai winim dispela, plening na implemensesen wok bilong mipela i mas klaimet kompatibel.

Wanpela gutpela piksa em wanem rot ol sekta i ken divelopim ol polisi na streteji long kamap wankain wan-

taim bikpela klaimet senis polisi na lejisletiv fremwok em klaimet smat polisi we Ministri bilong Egrikalsa na Laivestok i kamapim.

Dispela bai givim bikpela helpim long kantri na ol pipel.

Minista bilong Envairomen na Konsevesen na Klaimet Senis, John Pundari, i sinagut long olgeta gavman ejensi na ol stekholda long wok wantaim Klaimet Senis Developmen Atoriti long kamapim Paris Agrimen na yusim ol sans i kamap long en.

Em i tok, "Ol i nidim wanpela luksave nau long kamapim Paris Agrimen na luksave long ol gutpela bilong en bai ol io kisim."

Papua Niugini i tingting strong long toktok long ol senis we klaimet senis i save kamapim na i stat long senis

long fosil fiul bisnis i go long liklik kabon ikonomi.

Long wanpela bikpela bung wantaim ol opisa bilong Grin Klaimet Fan (GCF) long Paris long COP21 las yia. GCF i tok orait long wok klostu wantaim CCDA long yusim taim bilong redi long skelim klaimet fainens.

Long dispela, wanpela sinia GCF opisa i kam long kantri na ol i toktok long pinisim agrimen we ol GCF opisa i ken statim long kirapim strong long ol narapela kantri.

Raun bilong GCF long PNG em long toktok long ol streteji fremwok long kisim mani na tu long redim kantri program na kamap wantaim wanpela rot long kisim mani long GCF bai i kirapim ol mitigesen na adaptesin program.

Minista Pundari i tok PNG Nesenel Gavman olsem sianman bilong Pasifik Ailan Forum i laik wok bung wantaim GCF na tok welkam long kankain sans bilong bildim spes we CCDA bai kamap wanpela tasol bilong mani stret long ol komyuniti i lukim klaimet senis long kantri na rijon tu.

"PNG i laki long lo i banisim Klaimet Senis na Divelopmen Atoriti (CCDA) olsem fokal poin na dispela em i wanpela entiti long kantri we Yunaitet Nesen Fremwok Konvesen (UNFCCC) long wok long ol Klaimet Senis isu na UNFCCC i save tok orait long wanpela fokal poin long wanpela kantri," em i tok.

Paris Agrimen bai i op long olpati long sainim bai stat long Epril 22, 2016 long Nu Yok na bai i woklong 2020.

Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Sios Patnasip Program kamapim Jenda Ikwali Tioloji



Oi liklik pikinini bilong ples Vabukori i holim ol kopi bilong Tioloji bilong Jenda Ikwali Tioloji

Frieda Sila Kana i raitim

SIOS Patnasip Program bilong Papua Niugini (CPP PNG), i autim wanpela nupela polisi bilong wok wantaim Jenda long taim bilong statim wanpela CPP Forum long Holide Inn, stat long Tunde 19 Epril i go long Fonde 21 Epril.

Dispela buk em wanpela spesel wok komiti namel long ol sios lida na ol wokman na wokmeri bilong sios wantaim ol sivel sosaiti na Australia Hai Komisen i bin bung na wok long raitim inap long tupela yia olgeta.

Ol sios lida bilong 7-pela sios we i memba long Sios Patnasip Program PNG, em Katolik, Luteran, Salvesen Ami, Seven De Edventis, Baptis Yunien na Yunaitet Sios na Engliken Sios i bin stap long dispela taim bikos ol tu i bin kamap long holim wanpela de Sios lida miting bilong ol.

Long makim Australia Hai Komisen DFAT (Dipatmen bilong Foren Afes na Treid) olsem Minista

Kausela bilong Jenda Ikwali, Susan Fergusson i bin stap bilong wanem mani bilong wok long Sios Patnasip Program em Australia gavman i givim.

Long makim gavman bilong Papua Niugini, Deputi Seketeri bilong Komyuniti Dvelopmen insait long Komyuniti Dvelopmen, Yut, Meri na Sios, Molly Willie i bin stap long kisim dispela buk long han bilong ol sios lida.

Seremoni i bin gat ol kwaia grup bilong asples Vabukori na narapela Seven De Edventis Kwaia na tu ol Salvesen Ami Ben bilong Pot Mosbi long mekim musik ol singim song long amamasim dispela de.

Modereta bilong Yunaitet Sios long Papua Niugini na Solomon Ailans, Rait Reveren Bernard Sia, olsem siaman bilong ol Sios Lida Forum i bin tok welkam long olgeta lain i kamap long kibung na tu long tok klia liklik long wanem kain buk ol i lonsim long dispela de.

Rev. Sia i tok olsem dispela em i namba tu tioloji we ol sios i bin autim aninit long Sios Patnasip Program. Namba wan tioloji em, Tioloji bilong Dvelopmen Stetmen we ol i bin lonsim tupela yia i go pinis.

Reveren Sia i tok welkam long olgeta meri, ol pikinini meri na ol mama na ol meri i marit husat i wok long stap long hevi bilong ol man i no luksave long ol olsem ol tu i gat rait long stap fri na mekim wok.

"Dispela buk em long mekim yumi long tingim wok bilong yumi long bihainim toktok bilong God long helpim ol pipel long kisim gutpela laip na sindaun wantaim ol sevis we yumi bringim long ol insait long rurel eria. Yumi mas pre na painim tingting bilong God taim yumi bungim ol hatpela taim long bringim ol sevis," Reveren Sia i tok.

Em i givim salens long ol sios lida na ol wokman meri bilong sios olsem ol i mas bihainim toktok i stap long Buk Baibel long 2 Stori sapta 7, lain 14

olsem, " sapos yupela ol manmeri mi bin makim bilong mi yet, i tanim bel na sori long ol bikhet pasin bilong yupela, na yupela i kam klostu long mi na beten long mi, na lusim ol dispela pasin nogut yupela i bin mekim, orait mi stap long heven na bai mi harim beten bilong yupela na lusim ol sin bilong yupela na mekim graun bilong yupela i kamap gutpela gen."

"Wanpela pasin nogut we yumi save mekim em long bagarapim ol meri. Wantaim lons bilong dispela buk yumi pre long ol man bilong Papua Niugini long lukautim gut ol meri." Reveren Sia i tok.

Susan Fergusson bilong DFAT i tok, Australia gavman i gat bikpela luksave long wok bilong ol sios insait long dvelopmen bilong PNG olsem na ol i helpim ol sios long dispela kain wei.

"Em i wanpela kain histori stret long wol bikos mi no ting i gat narapela kantri long wol we i gat wanpela Tioloji bilong Jenda Dvelopmen. Tasol

mipela long Australia i gat Jenda Ikwali Polisi we mipela i bin autim i no longtaim i go pinis, olsem na yumi bai wok gut wantaim." Mis Ferguson i tok.

Pater Victor Rouche, Seketeri bilong Katolik Bisop Konprens bilong Papua Niugini na Solomon Ailan husat i bin makim maus bilong sios long tok-tok long Jenda Ikwali long PNG i bin tok em i wanpela man bilong strongim wok bilong Jenda Ikwali. Em yet i bin gat ekspiriens long lukim planti Papua Niugini man i save paitim nogut meri bilong ol taim em i bin stap yangpela misineri long ol rurel eria bilong kantri, pastaim long em i kisim wok long het opis. Em i tok, long Papua Niugini, i no gat bikpela rispek long ol meri.

"God i kamapim meri spesel, tasol long PNG, i no gat luksave bilong dispela. Na dispela buk bai givim luksave long ol meri, olsem buk bilong Gut-nius Jon sapta 10 na lain 10 i tok, "....Mi kam long givim yupela gutpela laip."



CPP Kodineta bilong Angliken Sios, Jeffrey Kaka i stori long Lukautim Pikinini Polisi bilong sios bilong em.



Oi sios wokman na wokmeri wantaim ol patna bilong ol sios long Australia, gavman na sivel sosaiti i holim ol grup diskasen long toktok bilong edvokasi.



19/04/2016

Kenel Andrew Westrupp, Teritorial Komanda bilong Salvesen Ami PNG na Mesa Bugave Kada bilong Salvesen Ami i kisim buk bilong Tioloji bilong Jenda Ikwali long han bilong ol pikinini bilong ples Vabukori long NCD.



19/04/2016



Oi lida bilong 7-pela bikpela sios long PNG husat i memba bilong Sios Patnasip Program i amamas long soim buk bilong Tioloji bilong Jenda Ikwali Dvelopmen.

Oi SDA kwaia grup i singim ol song i nais moa olsem mekim yu laik go long heven nating tu.



19/04/2016

Spaidaman wantaim Betman amamas

Nicky Bernard i raitim

WANPELA piksa muvi i kam aut pinis long ol sinema na TV i soim olsem Supaman wantaim Betman i salens na Bet man i paitim Supaman na em dai.

Dispela muvi i pulim ai bilong planti manmeri na pikinini insait long kantri we planti sapota bilong Supaman i wari na ol sapota bilong Betman i amamas.

Tasol dispela tupela liklik mangi long Gerehu i kamap Spaidaman na Betman, tasol tupela i no lukim dispela muvi bilong Betman na Supaman, tupela i gat save long piksa bilong Supaman na Betman ol save hetim muvi ol yet olsem na tupela i baim sut o klos bilong Spaidaman na Betman.

Andrilen em hap kas Sepik na Samarai, em gat 5-pela krismas na em save laikim tru Betman na em askim papa mama bilong em long baim wanpela Betman klos bilong em bai em ken putim na pilai raun.

Buluns Waine, em tu hap kas Jiwaka na Simbu, em save laikim stret Spaidaman piksa na taim em raun wantaim papa mama bilong em na em lukim Spaidaman klos, em tokim papamama bilong em long baim.

Dispela sut o klos bilong tupela i stap long taim pinis long tupela, na tupela save putim wan wan taim long haus bilong tupela.

Dispela wanpela wik malolo long skul, tupela i kam aut long haus bilong tupela na tupela i putim sut bilong tupela na pilai.

Tupela i no salens olsem Supaman na Betman long piksa muvi, tupela pilai na amamas wantim wanpela balum tasol na tupela tu i kamap best poro man. Taim tupela i putim sut bilong tupela, olgeta pikinini long hap ol stap wantaim i ai op long tupela.

Andrilen, em Sepik na Samarai na olgeta tok pisin stap long en, taim ol mangi askim em long flai em tokim olsem wing bilong mi i sot.

Buluns, em wanpela mangi bilong sem na maus pas, taim ol wan pilai mangi askim em i pasim maus tasol na lap long ol mangi.

Dispela wanpela wik malolo bilong ol pikinini i kamap planti ol pilai na stail ol mekim long dispela skul malolo bilong ol

Andrilen na Buluns i kamap best poro man na




dispela klos bilong tupela em olgeta moning ol save putim na kam aut long haus bilong tupela long opim ai bilong ol manmeri husat i redi long go long wok long mekim moning bilong ol wantaim amamas long go kisim bas.

Betman Andrilen wantaim Spaidaman Buluns i pilai wantaim balum long fran bilong haus bilong ol.
Poto Nicky Bernard



Betman Andrilen na Spaidaman Buluns i sanap wantaim mas bilong ol.

Em nau! Ol pikinini i ken painim rot i go long ples wantaim Wantok lain...



STORI BILONG TUMBUNA

Meri sakim tok na kamapim dai

Bipo, bipo tru long Nembi plato eria i nogat manmeri, na tupela marit tasol i stap.

Tupela i nogat pikinini long longpela taim liklik. Tasol sampela yia i go pinis, meri i gat bel na tupela marit i amamas nogut tru.

Mama i redim bek na ol samting bilong karim bebi na man i tokim meri olsem, taim yumi karim bebi mi bai skulim yu wanem kain susu bai yu givim na wanem kain lip bai yu slipim bebi.

Orait bihain liklik, meri i karim pikinini man na papa i wanbel stret long meri bilong em na boi bilong em.

Em nau taim bilong em long skulim meri long wanem kain long givim long bebi. Man i tok, meri mi tokim yu TAMBU TRU long givim susu bilong yu na TAMBU TRU long slipim bebi long lip diwai. Mi wokim ru olsem yu mas slipim bebi long skin diwai bilong Pe el na Meplem oni, em tupela kain diwai i save rausim skin na kisim nupela skin gen long sampela yia bihain.

Susu, yu bai givim Bowa, em wanpela Pamkin ol tumbuna i save yusim long pulapim welgris o mambu wara bilong dring.

Tasol meri sakim tok long man na tokim man olsem, Nakomul ondu ra naneneso ra, Em min susu bilong mi em wanem na wanpela kain lip ol i save karim bebi long en, em wanem. Man i tok nogat tru long ol dispela – Nogat tru, plis no ken givim susu bilong yu.

Tasol meri em i sakim tok, na em susuim bebi pinis long susu bilong em na man i kirap nogut na em i krai na tok, o sori boi bilong mi. Omin o Talin o. Omin o Dai – Talin em min sampela nupela bebi bai senis long dispela sem awa de long kisim ples long husat i dai.


Long dispela stori hauslain i save tok meri i no sakim tok, yumi no inap dai. Taim yumi lapun tru, yumi senisim skin olsem ol diwai i save senisim skin na stap oltaim, oltaim. Meri i sakim tok na dai i save bungim yumi na sampela nupela tu i save kamap long sampela ples.

Meri i harim tok na karim bebi antap long skin bilong diwai na givim Bowa susu bai gutpela tasol sakim tok i mekim yumi i save dai.


Wankain stori long Buk baibel, long Buk Genesis pest aim God i wokim man na meri – Tambuim tupela long prut bilong diwai, tasol Eve na Adam i kaikai. Tupela kamapim dai bilong yumi manmeri long dispela graun. Em tu meri sakim tok bilong God na kamapim dai.

Long tumbuna stori tu meri i sakim tok na givim susu bilong em yet, i min yumi save dring gris bilong mama na kamapim dai.

*Paul Paulus Waik
Katolik Sios Pomberel SHP*



Ansa bilong Wod Pilai isu 2170



PAINIM WOD PILAI

- Ol wod lista:**
- | | | |
|-----------------|-----------------|-----------------|
| BAIBAI | FANOL | JEKIM |
| BIGIN | GOAPIM | KANGKANG |
| ABUSIM | BOINIM | KIRSEN |
| AIBIKA | DAIVA | LULUAI |
| AMBEROI | DES | MALAMBUR |
| ANKAIM | DROIM | PAURA |
| BABELGAM | EKSAMPEL | SISELIM |

Z R V D E S W L C Q P R V N S U N H K E C B T I M
 Y S M A E B O I N I M O W L N N Y R L R S H A O O
 B I G I N S A A I Q N V Q H E S G D D W V Z V E A
 G M D V R B E R I Q M T H D Z M V I I E M W D I R
 O A E A I S M I L I E U F P C A N K D O R Q U R I
 A M S A I I S N L C M G M O D E D M O Z I M S V O
 P C B S S H T E E G L P O I B R P E S F I G A C E
 I S A U D E S E R F Q N K S D S T R M Q E Q E H G
 M H B P B I N Q P B C X O N L Y A P O E R T K I E
 P A E K S A M P E L J A E R I I E S M D B S J E O
 L U L U A I E E F D T I S I D Z D E E X I M P G V
 H P G A K N T P S N D B A G C R H Q W H F E Q U S
 U A A S M I G A J E K I M U T R O E R I M R R A F
 M G M T T B R K V D O K S I R G S S L W G R Q A R
 C U E B U U U S A R Y A A P E I P I W Q N N Y P E
 E R F F A P X R E N P R Z E L A R E W N R V O M P
 C I A P K K R B D N G O W H M N I I C H E M S G O
 E A N K A I M H L Z E N G K P A E D C V E P E D F
 D R O I M A P A N S B E R E H K H X T C S Q A O N
 T H L V M A E A N N E F U I Q P T M A I J O I Y R



TOK PISIN NEWS

from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service


6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

Ol Katolik Bisop bilong PNG na Solomon i toktok long wari bilong Wes Papua



Ol pipel bilong Wes Papua i sanap long welkamim ol bisop. *Poto: ABC*



Ol Katolik Bisop bilong PNG na Solomon Ailan i bin stap long Vanimo AGM i bin go long Jayapura, long Wes Papua provins. *Poto: CBC*

Caroline Tiriman i raitim

Ol pipel bilong Melanesia i mas pre long stretim ol hevi i wok long kamap long Wes Papua pipel long kisim gutpela bel isi na painim gutpela toktok wantaim Gavman bilong Indonesia.

Dispela toktok i kamap bihainim raun bilong ol Bisop bilong Katolik Sios bilong PNG na Solomon Ailan (SI) i go long Wes Papua long wiken i go pinis.

Ol dispela Bisop i bin raun i go long Jaya-

pura, taim ol i bin mekim bikpela miting bilong ol long Vanimo long Wes Sepik provins. Dispela miting i pinis long las Fraide.

Bisop Donald Lippert bilong Mendi long Sauten Hailans provins i bin joinim ol nara-pela Bisops olsem Asbisop bilong Pot Mosbi, John Ribat, na Asbisop bilong Honiara, Adrian Smith long dispela raun i go long Wes Papua.

Bisop Lippert i tokim mipela olsem wok-about bilong ol i go long Jayapura i bin opim ai bilong ol long wari bilong ol Wes Papua pipel.

Vanuatu Cabinet i kros long apoinmen bilong nupela MSG Director

Sam Seke i raitim

OPIS bilong Praim Minista long Vanuatu i no kisim wanpela opisal toktok yet long Siaman bilong Melanesian Spearhead Group na Praim Minista bilong Solomon Ailan, Manasseh Sogavare, long isu bilong apoinmen bilong nupela Dairekta Jenerel bilong MSG.

Palamenteri Seketeri bilong Vanuatu Praim Minista na memba bilong Tanna, Johnny Koanapo i tok Praim Minista bilong Vanuatu, Charlot Salwai i bin tokaut long Mista Sogavare olsem em i no amamas long apoinmen bilong wanpela diplomat bilong Fiji, Amena Yauvoli, olsem nupela MSG Dairekta Jenerel.

Mista Salwai i tok dispela apoinmen no bihainim rot bilong wokim apoinmen



Siaman bilong MSG na Praim Minista bilong Solomon Ailan, Manasseh Sogavare i toktok. *Poto: ABC*

aninit long konstitusen bilong MSG.

Na nau, Kaunsel bilong ol minista bilong Vanuatu i laikim Praim Minista Salwai i mas tokaut long disisen bilong kabinet i go long Siaman bilong MSG long

apoinmen em i bin mekim.

Palamenteri Seketeri bilong Vanuatu, Praim Minista na memba bilong Tanna, Johnny Koanapo i tok Vanuatu gavman i wari bai dispela apoinmen i bagarapim nem bilong MSG.

Kua i tokaut long as em i risain long pati bilong PM

WANPELA senia memba bilong National Alliance Party em Praim Minista Peter O'Neill i memba long en tu i lusim pinis dispela pati long wanem em i sutim toktok long gavman long bagarapim kantri.

Yongomugl long Simbu Provins, Kerenga Kua i bin lusim National Alliance Party long las wik.

Mista Kua i bin wok tu bipo olsem Atoni Jenerel na Minista bilong Jastis long Gavman bilong Mista O'Neill, tasol Mista O'Neill i bin

senisim em na putim Mista Ano Pala olsem Atoni Jenerel na Minista bilong Jastis.

Long dispela wik, ol opisa bilong National Fraud na Anti-Corruption Directorate i sutim tok long Mista Ano Pala long yusim nating mani long ilektoret bilong en.

Sot long kaikai i kamapim hevi long ol skul pikinini long PNG hailans



Hevi long biksan i kamapim hevi long skul na edukesen bilong ol skul pikinini olsem tupela. *Poto: ABC*

Caroline Tiriman i raitim

JAMES Komengi, wanpela konsalten bilong Yunaitet Sios long PNG Hailans i tokaut long sot long kaikai we draut o taim bilong bikpela san i kamapim i bagarapim skul na edukesen bilong ol skul pikinini long hailans.

Mista Komengi i mekim bikpela askim i go long

Papua New Guinea gavman long bringim kwik sampela kaikai long helpim ol skul pikinini long Enga na Hela provins em o li bungim hevi yet long draut.

Mista Komengi i mekim dispela askim bihainim wanpela wok painimaut em i bin mekim wantaim Yunaitet Sios long Kandep Basin long Enga Province na tu, long Panduaga Veli

long Hela Provins long mun i go pinis.

Em i tok planti famili i bruk nabaut na planti pikinini i no save go long skul long wanem, oli save hangere tru.

Mista Komengi i tok tu olsem planti pikinini i save go long skul, na ol i save slip tasol long ol desk blong ol long wanem, ol i nogat kaikai long bel bilong ol.

Mama i askim man bilong em long rausim sas na lukautim pikinini

KEIS bilong Sally Faulkner em wanpela mama bilong Australia em ol i skruim yet, bihain em i bin stsats long tupela yia i go pinis.

Mis Faulkner i bin maritim wanpela man bilong kantri Lebanon long Midel Is, Ali el-Amien, na ol i gat tupela liklik pikinini.

Nau ol kot na toktok i go na i kam long sait bilong ol pikinini na husat ol bai kam aninit na stap wantaim ol.

Tupela yia i go pinis, Mis Faulkner i bin kisim sas long go long Lebanon na hait kisim wanpela pikinini i go long Australia, tasol ol atoriti i bin holim em na bikpela nius na pulim toktok i go i kam i kamap.

Long las wik, ol i bin holim Mis Faulkner wantaim wanpela ol kru bilong 60 Minit long Lebanon long sas bilong laik hait na kisim ol pikinini i go long Australia.

Jas i askim tupela marit, Sally na Ali long stretim dispela hevi long husat tru bai lukautim ol pikinini.

Sally i askim man bilong em, Aliel-Amien long rausim sas i stap long



Sally Faulkner na tupela pikinini bilong em. Foto: ABC

Lebanon kot long laik hait na kisim ol pikinini i go aut long Australia na m bai gat sans long ol pikinini i stap tu wantaim em. Long las yia, Famili Kot long Australia i bin givim ol rait long Sally long ol pikinini bai stap wantaim em, na man i nogat. Na tu, long tupela i toktok gut long sait bilong kisim divos.

Long las yia, Desemba 15, Famili Kot long Australia i bin wokim disisen long ol pikinini bai kam aninit long lukaut bilong Sally, tasol em i no bin rijistaim long Lebanon na olsem, ol i wok long pulim taitim yet ol hevi i go het yet.

Loya bilong Sally, i bi-

long Lebanon, Ghassan Moghabghab, i tok em i no wanpela hatpela samting na long jasmen na disisen, ol samting i go long han bilong Sally.

Mista el-Amien i bin kisim rait long ol pikinini i kam aninit long lukaut bilong em long wanpela rilijes kot long Lebanon, tasol jas long Lebanon i tok em i no lukim keis olsem Sally i laik hait na stilim ol pikinini, no gat. Em i laik lukim ol.

Sapos Mista el-Amien i wanbel na rausim ol sas egensim Sally, em i ken lukim ol pikinini i wantaim no gat wari o hevi long Australia, Lebanon o wanem hap bilong wol.

Maikrososof i laik kisim gavman long kot

BIKPELA kompyuta kampani, Maikrososof, i kisim gavman long kot long i no bihainim lo na go insait long ol data seva bilong em.

Kampani i mekim dispela losut bikos em i laik winim rait na tokim pipel olsem ol atoriti i wok long monitaim ol email na ol arapela data bilong ol.

Muv we Maikrososof i kisim i bihainim dispela we narapela biknem kompyuta kampani, Apple, i wokim long kisim i go long kot pasin we ol investigeta i wokim long go insait long ol infomesen i stap long IFon.

Ol saveman i tok i luk

olsem ol loman bilong Amerika i no bihainim rot, tasol ol yusim senis long teknoloji long sekim ol samting.

Maikrososof i tok gavman i wok long go insait long ol data seva i no bihainim lo na i mas gat strik lo nau long stopim dispela.

Tasol long Australia, lo bilong holim bek ol samting i min olsem ol konsumna i no gat proteksen long ol onlain ektiviti bilong ol.

Onlain storij long infomesen bilong Maikrososof i save storim ol data long olgeta hap bilong wol. Em i gat moa long bilien kastoma na

20 milien bisnis long moa long 70 kantri long wol i yusim dispela servis insait long wanpela yia.

Ol sekyuriti na lo ogenaesen olsem ol polis i save gat intres long kolektim ol data long dispela klaut storej na dispela i kamapim hevi long ol tek kampani husat i laikim sekyuriti i mas stap long ol kasatoma bilong ol

Presiden bilong Maikrososof, Brad Smith i tok pipel i mas gat rait long praivesi nae m i askim ol arapela tek kampani long sapotim maikrososof na kisim dispela samting i go long kot.

Man i bagarapim ol pikinini i kalabus

WANPELA man bilong Perth, Westen Australia husat i save tagetim na bagarapim ol pikinini meri na ol pikinini bilong ol poroman long moa long 20 yia i kalabus nau.

Jas i no amamas long komyuniti i no wokim samtign hariap long dispela no gut Pasin.

Man i save haitim pes bilong ol pikinini, bilong em wantaim, wantaim klos na bagarapim ol.

Liklik pikinini meri bilong

em i bin gat 4-pela krismas taim em i bagarapim em tu. Wanpela pikinini i bin ripoitim dispela samting i kamap long en, tasol ol i no wokim samting long en.

Mak long ol krismas kot i makim kaunim olgeta pikinini em i bagarapim em 72 yia, tasol kot i daunim i kam daun long 12 yia.

Ol i no tokaut long nem bilong dispela man i gat 60 krismas bikos ol i laik protektim ol lain em i bagarapim

we sampela em ol pikinini stret bilong em.

Ol dispela pasin no gut i bin kamap namel long yia 1992 na 2013.

Long taim bilong kot, man ya i no pilim gilty tasol em i smail.

Na jas i tokim em samting em i wokim i rong na i bikpela samting, tasol "I luk olsem yu amamsa long samting i no stret yu wokim long en."

Na i salim em long 12-pela yia kaslabus.

Komyuniti tingim liklik Sanaya

LIKLIK angelo, Sanaya i bin kisim gutpela tok gutbai taim samting olsem 200 pipel i bin bung long pre na tingtim memori bilong em long Melbon Olimpik Pak las wik.

Ol i bin painim bodi bilong dispela liklik bebbi i gat 14 mun long Darren Krik na ol i sasim pinis mama bilong em, Sofina Nikat long kilim pikinini bilong em yet.

Planti ol neiba i save lukim liklik bebi long stret na tu, ol dispela husat i no save long en i wokim ol toktok long dispela liklik pikinini meri.

"Em i liklik angelo, samt- ing olsem i no sapos long kamap," wanpela long komyuniti i tok.

Narapela i tok mipela

olsem komyuniti i laik soim luksave bilong mipela, Yupela i ken lukim tasol long planti i kamap, maski sampela i no save long en, mipela i laik soim rispek long liklik bebi pikinini ya" narapela i tok.

Ol bikpela manmeri na ol pikinini i bin raitim ol mesej long balun na salim i go aut long Pak bihain long ol i singim "Ave Maria".

Wanpela long ol ogenaisa bilong vijil long tingim liklik bebi gel, Cheyanne, i tok em i laik meki ol awenes long ol jhevi ol mama i save bungim bihain long ol i karim pikinini.

"Long 4-pela yia, mi bin stap long dispela kain hevi na mi save em i hatpela,"

Cheyane i bin tokim ol lain i bin stap long memoriel bung long Pak.

"I gat planti sapot insait long komyuniti long ol kain mama olsem husat i bungim hevi na mipela i redi long helpim," Cheyanne i bin tok.

Neiba mama, Mis D'Angelo i kra i na tok ol i gat ol liklik pikinini tu olsem na ol painim hat long lukim kain samting i kamap.

Long pinis bilong seremoni, famili bilong Sanaya i bin tok tenkyu long ol lain i kamap i na soim sapot bilong ol ong dispela tok gutbai seremoni.

Gavman bilong Victoria bai karimaut inkwairi long dai bilong liklik Sanaya.

IS tagetim websait bilong ol liklik bisnis

WANPELA grup i sapotim ol Islamik Stet (IS) teroris grup i go long websait na bagarapim websait bilong moa long 20 smol bisnis lain bilong Australia.

United Cyber Caliphate i go insait long ol websait na lusim ol IS sapot mesej na ol piksa long 20 smol bisnis long Australia i gat ol bisnis olsem wil na taia riteila, katering bilong ol Meksiko kaikai na ol naturel hebalis.

"Long nem bilong Allah, mipela em ol United Cyber Caliphate. Obey Islamic State. Sistem bilong yupela i feil. Islamik Stet i bos" piksa i tok.

Ol lain i wok long plenim dispela samting long sampela wik, tasol planti lain i paul watpo ol IS i laik tagetim ol liklik bisnis olsem..

Ol papa bilong ol liklik bisnis i bvel kaskas na tok ol i laik go het ranim ol bisnis bilong ol.



Ol neiba na wanstrit komyuniti i tingim memori bilong liklik Sanaya i bung long Olimpik Pak long Melbon. Foto: ABC



Pink na yelo balun i go aut we samting olsem 200 pipel i bin bung long Olimpik Pak long Melbon, Australia, long tingim liklik bebi i gat 14 mun we mama yet bilong em i bin kilim dai na tromoim. Foto: ABC

Papua LNG bai stat long yia 2018

OIL na ges kampani bilong Frans, Total SA, i tingting long kirapim namba 2 LNG projek long kantri long yia 2018.

Dispela toktok i kam long maus bilong bosman bilong Total SA, Patrick Pouyanne, husat i bin kam lukluk raun long PNG na opim nupela sevis stesin bilong Total long Badili long Pot Mosbi long las wik Fraide.

Mista Pouyanne em i Siaman na Sif Eksekutiv Opisa (CEO) bilong Total SA, na em i bin kam lukluk raun long PNG las wik long strongim bisnis rilesens bilong kampani bilong em wantaim gavman bilong PNG.

Total SA bai go pas long namba tu LNG projek ol i kolim Papua LNG Projek long kantri olsem opereta bilong projek.

Mista Pouyanne i tok Total SA bai painimaut pastaim hamas ges i stap long ol ges fil long Elk na Antelope ges risev.

Dispela wok em ol i kolim risos asesmen na em bai

kamap long yia 2016. Total SA olsem projek opereta bai sekim gut hamas ges stret i stap long olgeta ges fil na hamas risev bilong ges i stap long kamapim dispela namba tu LNG Projek.

“Mipela bai skelim gut hamas ges risev i stap na pinis long dispela yia, mipela bai tok aut long wanem kain projek Papua LNG Projek bai kamapim,” Mista Pouyanne i tok.

Bihain long dispela wok, narapela bikpela wok bai kamap. Mista Pouyanne i tok dispela wok bai fran en injiniaring na disain (FEED).

“Ol enjiniaring stadis bai kamap long yia 2017. Neks yia bai mipela i kamapim na pinisim FEED na disain bilong olsem wanem dispela projke bai kamap,” Mista Pouyanne i tok.

Ol injinia bai mekim disain bilong LNG plent, paiplain na wanem hap ol bai sanapim rik long drilim ges.

“Bihain long injiniaring stadis, bai mipela i statim ol konstraksen wok long

yia 2018. Nau mipela i drilim ol wel na sekim hamas ges i stap.

“Pinis bilong dispela yia, mipela bai tokaut long hamas ges i stap na wanem kain projek bai kamap. Neks yia, mipela bai mekim disisen na tok aut long sais bilong LNG plent.”

Taim prais bilong oil na ges i pundaun long dispela taim, Mista Pouyanne i tok Total i redi long bungim ol hevi na salens long kirapim dispela bikpela projek.

“Taim mipela i inves long LNG plent, dispela i soim olsem mipela i mekim disisen long inves long 20 yia. Na namel long dispela 20 yia, mipela i save olsem prais bilong LNG bai pundaun na kirap.

“Prais bilong LNG bai no inap stap wankain tasol insait long dispela 20 yia. Tasol wanpela namba wan samting em i maket we mipela bai salim LNG. Mipela mas gat maket bilong salim ges,” Mista Pouyanne i tok.

Kumul Petroleum amamas long Total SA

NESENEL oil na ges kampani bilong PNG, Kumul Petroleum Holdings Limited, i amamas long lukim olsem oil na ges kampani bilong Frans, Total SA, i wok long invest long daunstrim maket bilong petroleum long PNG.

Daunstrim maket em i tok long hap bilong salim ol samting olsem kerosin, disel, petrol na ol arapela samting we ol i yusim oil na ges long kamapim.

Menesing Dairekta bilong Kumul Petroleum, Wapu Sonk, i tok welkam long Total SA i kam insait long kantri na kirapim petroleum daun strim bisnis.

Mista Sonk i mekim dispela toktok bihain long Total SA i opim nupela sevis stesin bilong em long Badili, Pot Mosbi long las wik Fraide.

Siaman na Sif Eksekutiv Opisa (CEO) bilong Total SA, Patrick Pouyanne, i tok dispela nupela sevis stesin bilong ol long Badili bai kamap namba wan long kantri na ol i gat plen long opim sampela moa sevis stesin long Pot Mosbi na long arapela hap long PNG.

Mista Sonk i tok Kumul Petroleum i amamas long lukim Total SA i kam insait ong kantri na kamap olsem wanpela biknem oil na ges kampani husat i wok long kirapim apstrim na daun strim ges na oil bisnis long PNG.

“Total i bin mekim bisnis long PNG taim ol i bin saplaim ol lubrikent na ol gris bilong ol masin tasol nau ol i kam inisat na kirapim fiul na sevis stesin.

“Dispela i soim olsem ol i gat strongpela bilip long ikonomi na pipel bilong dispela kantri, na mi amamas long makim maus bilong Kumul Petroleum na tok welkam.

Mista Sonk i amamas na tokaut tu olsem Total SA bai kamap opereta bilong Papua LNG Projek we InterOil na Oil Search bai kamap patna na Kumul Petroleum bai kamap namba fo patna olsem stet nomini.

“Kumul Petroleum i gat gutpela poroman long sait bilong wok bung wantaim Total SA long apstrim projek long kirapim Papua LNG na mipela i lukluk go het long kamapim dispela namba tu LNG projek long kantri,” Mista Sonk i tok.



Menesing Dairekta bilong Kumul Petroleum, Wapu Sonk, i toktok long namba 11 LNG Saplain bilong ol maket long Asia i bin kamap long Singapo long mun Mas dispela yia.

Saina wokman long Madang laikim ples kakaruk na pato

James G. Kila i raitim

OL RUREL fama long Madang provins i mas lukautim gut moa ples kakaruk, pato na memek long salim long ol ovasis lain husat nau kamap planti long provins.

Dispela em bikos ol lain bilong Saina i save laikim tru mit bilong ples kakaruk na pato.

Deputi dairekta bilong Madang Provinsal Dipatmen ov Agrikalsa na Laipstok (PDAL), Godfried Savi, i mekim dispela toktok long dispela wik.

Mista Savi i tok ol lain bilong Esia olsem ol China save gat ol spesel taim long yia we ol i save luksave long pasin tumbuna bilong ol, na ol i save laikukim ol abus olsem ples kakaruk na pato na mekim gutpela sup na kaikai long stail bilong ol yet na bung na kaikai.

Olsem na ol lokal fama long Madang i mas lukautim moa ples kakaruk na pato na salim long ol na kisim mani.

man meri bilong China husat nau i stap wok long ol bikpela projek long Madang i save laikim tru ol kala kala ples kakaruk na pato.

Olsem na ol rurel laipstok famas long ples long Madang i mas groim na lukautim ol kala kala ples kakaruk na salim long ol dispel lain bilong Esia husat nau i stap long Madang.

Mista Savi i tok olsem planti ol lain bilong China nau i kam long Madang na wok long ol bikpela risos projek olsem Ramu NiCo Projek long Kurumbukari Main na Basamuk Rifaineri na tu ol konstraksen wokman bilong Pasifik Marin Industrial Zon (PMIZ) na tu ol lain Filipino bilong RD Tuna tinpis fektori.

Dispela ol lain bilong Esia i save laikim ples kakaruk na pato bikos long ples bilong ol, ol save lukautim kala kala kets ples kakaruk na pato, na ol i save amamas long kaikai mit bilong ol dispela abus pisin.

Mista Savi i tok long wok sevei o painimaut bilong em, em lukim olsem ol

Saina wokman bilong Ramu NiCo i save laikim tru ples kakaruk na save salim ol wokman bilong ol go long ol lokal ples long baim ol ples kakaruk na pato.



Mista Savi i tok wok ekstensen bilong bringim ap prodaksen bilong memek tu bai kamap long Madang bikos sampela ovasis lain save laikim mit bilong

memek. Em I tok DAL long Madang bai wokim sevei na kisim rekot bilong hamas famas I lukautim memek na ol bai yusim ol

briding program long kamapim moa memek long givim long ol model famas long surikim dispela wok long ol arapela eria long Madang.

Ol meri long Iguruwe soim soim ol ples kakaruk na pato. Foto: James G. Kila

InterOil bod lukautim gut kampani

InterOil i tok ol bod ov dairekta na menesmen i mekim ol geta samting long larim dispela kampani i ran gut na kamapim moa veliu bilong ol seaholda.

InterOil i mekim dispela toktok bihain long wanpela seaholda i autim tingting bilong em long kotim kampani.

Phil Mulacek, husat i wanpela seaholda bilong InterOil, i laikim wanpela spesel miting bilong ol seaholda long kamap long Jun 10.

Anual jeneral miting bilong ol seaholda bai kamap long Jun 14. Tasol Mista Mulacek i laikim narapela spesel miting bilong ol seaholda long kamap long Jun 10.

Mista Mulacek em i man husat i bin statim InterOil kampani. Em i bin stap CEO bilong InterOil na em i bin risain tu-pela yia i go pinis.

Las wik Fraide, bod siaman bilong InterOil, Chris Finlayson, wantaim ol memba bilong bod ov dairekta bilong InterOil, i bin bungim Mista Mulacek.

Bihainim dispela miting, InterOil bod i bin tokim Mulacek na ol maus man bilong em long stretim toktok long wanem samting em i laikim na kamapim wanpela agrimen we ol arapela seaholda i ken vot long anual jeneral miting.

InterOil i tok dispela pasin we Mista Mulacek i bin mekim long go long kot na mekim ol samting i no stret long ai bilong kampani.

Total opim nupela sevis stesin

OIL na ges kampani bilong Frans, Total SA, i opim nupela sevis stesin long Badili, Pot Mosbi long las wik Fraide.

Dispela sevis stesin i kamap namba wan bilong Total SA long PNG.

Total SA em i namba tu bikpela kampani long LNG industri baksait long ExxonMobil na dispela opening bilong nupela sevis stesin bilong ol long PNG i soim olsem ol bai kam stap long hia long longpela taim.

Siaman na Sif Eksekutiv Opisa (CEO) bilong Total SA, Patrick Pouyanne, i tok Total i laik opim 5-pela nupela sevis stesin long dispela yia, na narapela 10-pela moa long yia 2017.

Total i gat 1, 700 sevis stesin long olgeta hap long wol. Wantaim dispela opening bilong nupela Badili sevis stesin, Total bai gat 1, 701 sevis stesin.

Total SA i laik lukluk long kirapim moa komesal bisnis olsem sevis stesin long kantri, Mista Pouyanne i tok.

"Total i no laik long kirapim aptrim ges bisnis tasol. Mipela i laik kirapim komesal bisnis tu long PNG," em i tok.

Mista Pouyanne i tok taim dispela yia na neks yia i pinis, Total bai gat 15 nupela sevis stesin long Pot Mosbi.

"Mipela i gat plen long kirapim planti riteil sevis stesin bikos dispela em em i link namel long kampani bilong mipela na long kastoma bilong mipela," Mista Pouyanne i tok.

Em i tok Total i save rausim oil na ges wantaim na salim gen long ol kastoma.

"Mipela bai rausim ges long PNG. Na mipela bai kamapim sampela ol samting long dispela ges na salim gen long PNG," Mista Pouyanne i tok.

Em i tok planti manmeri long PNG i no save long Total bikos dispela em i namba taim ol i kam insait long kantri.

Total SA bai kirapim namba tu LNG projek long ol i kolim Gulf LNG Projek.

Liklik kantri bungim hevi

WANPELA Wol Benk ripot i tok pundaun bilong prais bilong ol samting bilong salim na kisim mani i lukim PNG na arapela ol liklik kantri long Is Esia na Pasifik i bungim hevi long ikonomi bilong ol.

Taim prais bilong komoditi i pundaun, dispela i lukim ikonomi bilong sampela ol liklik kantri olsem PNG, Mongolia na Laos beungim hevi, dispela ripot i tok.

Wol Benk i tok sampela ol liklik kantri long Yurop, Afrika na Saut Amerika tu i wok long bungim wankain hevi.

Dispela ripot i tok PNG bai bungim dispela hevi i go inap neks yia na yia 2018.

"PNG i gat gutpela sans long kamaut long dispela hevi sapos gavman i yusim gut mani bilong LNG LNG Projek na arapela ol mani i kam long ol risos projek," dispela ripot i tok.

PNG mas mekim rais faming

PNG i gat gutpela bus, graun na wara long sapotim ol bikpela fam we ol asples manmeri i ken wok na planim rais.

Dispela em i toktok i kam long Minista bilong Egrikalsa na Laivstok, Tommy Tomscoll. Mista Tomscoll i mekim dispela toktok long Erap, autsait long Lae siti long las wik we em i bin go lukim Fil De bilong NARI.

"Mi amamas olsem Trukai Industries Limited i wok long helpim ol liklik fama long ples long planim rais. Dispela em i wanpela gutpela samting Trukai i mekim long helpim ol manmeri PNG i planim rais," Mista Tomscoll i tok.

Em i tok ol manmeri PNG i mas planim rais bikos yumi gat gutpela graun inap long sapotim rais fam.

"Bus, graun na wara bilong yumi i gutpela tru. Mi laik tok tenkyu long Trukai i sapotim ol manmeri long mekim rais faming na planim rais," em i tok.

PNG Air kisim namba tri ATR balus



PNG Air i kisim nupela namba tri ATR 72-600 balus, P2-ATB, i kam insait long kantri na joinim ol arapela balus flit bilong em.

Dispela nupela balus i lusim ATR balus faktori long Toulouse, Frans na kamap long Jacksons ples balus long Pot Mosbi long las wik Sande monin.

Pailot bilong PNG Air yet, Kepten Adam Loughrey, i kisim dispela namba tri ATR balus long Toulouse na kisim kam insait long PNG.

Siaman bilong PNG Air, Murray Woo, i tok dispela nupela balus em i soim

komitmen bilong PNG Air long rausim ol olpela balus na kisim nupela balus i kam insait long kantri long sevisim gut ol manmeri long PNG maket.

"Taim dispela yia i laik pinis, bai mipela i gat 5-pela nupela ATR balus sevim balus rot bilong PNG Air na sapotim developmen bilong PNG."

"Wantaim dispela nupela balus, mipela bai lonsim sampela nupela komesal flait stat long 25 Epril, wantaim planti flait i go long Wewak, Goroka na Vanimo. Bai mipela i yusim dispela nupela ATR long kamapim

sevis namel long Pot Mosbi na Buka na dispela bai lukim operesen i go long Kieta (Aropa), i stat gen."

"Mipela i bin tokaut pinis olsem PNG Air i wok long stretim ol samting long lonsim nupela sevis i go long Jayapura (Indonesia), na dispela sevis bai opim nupela intanesenel rot bilong balus i go long hapsait long boda.

"Dispela em ol gutpela samting long amamas. I gat ol salens tu i stap long sait bilong kamapim ol dispela gutpela samting long kirapim sosio ikonomik developmen bilong PNG," Mista Woo i tok.

Kampani bilong salim haus redi long mekim bisnis

NUPELA kampani bilong salim haus, ANX Real Estate Brokers, i laik helpim ol papa bilong haus i salim haus bilong ol long gutpela prais.

Wanpela maus man bilong ANX Real Estate Brokers i tok dispela kampani em i kampani bilong PNG yet, na em i laik kamapim wanpela integreited propeti maket long PNG long salim ol haus.

"Planti taim ol papa bilong haus i save peim bikpela mani long ol niuspepa na edvetaisim haus bilong ol long salim.

"Wanpela papa bilong haus i tok em i peim K700 long wanpela niuspepa kampani long putim edvetaisimen long salim haus bi-

long em," em i tok.

Dispela mani em i bikpela mani tru na ANX i laik sasim liklik mani tasol long .

"Planti taim sampela ol ril istet ejent na ol nius ejensi i save sasim bikpela mani long ol papa bilong haus taim ol i laik maketim propeti," em i tok.

ANX i laik stopim dispela kain pasin bilong sasim bikpela mani long liklik wok.

"Em i bisnis. Yumi PNG i no ken sasim bikpela mani long kain ol liklik wok. Prais bilong mekim bisnis long PNG em i kamap antap moa na long sait bilong ril istet na propeti, mipela i laik daunim dispela prais," em i tok.

Prais bilong sasim ol papa bilong haus long edvetaisim haus long niuspepa, redio na TV em i antap moa long PNG.

Dispela em i wanpela samting ANX Real Estate Brokers i laik daunim na larim ol niuspepa kampani i sasim liklik mani.

"Sasim ol kastoma long wei bilong sasim. No ken sasim bikpela mani. Tasol long PNG, long taim yet ol i wok long sasim bikpela mani.

"Nau ANX i kam insait long ril istet na propeti maket long sasim liklik mani. Mipela i redi long helpim ol papa bilong haus.

"Ol arapela ril istet ejent na propeti maketing ejent i no ken peim bikpela mani

long ol niuspepa kampani long salim haus bilong ol.

"I gat ol sampela wei na rot long daunim prais na salim haus long liklik mani i stap. Na ANX i laik soim ol dispela rot na wei long ol papa bilong haus.

"Dispela toksave em i namba wan toksave na sapos yu wanpela man o meri husat i gat haus, na sapos yu laik salim haus bilong yu, no ken westim bikpela mani long niuspepa na putim toksave notis.

"Kma lukim mipela. ANX i redi long helpim yu. Sapos ol niuspepa i sasim yu bikpela mani, mipela bai sasim yu liklik mani stret," em i tok.

OTML dediketim Sefti Wik long tingim Ris Menesmen

NESENEL Maining Sefti Wik (NMSW) i gat bikpela mining long Ok Tedi Maining Limited (OTML) wokman na wokmeri wantaim ol famili bilong ol, bikos long dai bilong wanpela wanwok bilong ol i no longtaim i go pinis, long ples bilong main.

Menesmen na ol wokman na wokmeri i givim taim long Nesanel Maining Sefti Wik long strongim gen toktok bilong banisim olgeta lain long birua ol inap long painim long

wok ples na long haus long mekim ol wokman i stap seif olgeta taim.

NMSW i bin stat long de 28 Mas na i go pinis long 01 Epril, 2016.

Long OTML, bikpela toktok long 2016 Nesanel Maining Sefti Wik em long Ris Menesmen we ol i toktok na mekim awenes long ol rot bilong stopim ol birua long kamap.

OTML Menesing Dairekta na CEO, Peter Graham i dediketim 2016 Nesanel Maining

Sefti Wik long mekim ol wokman na wokmeri i mas holim strong klia tingting long ol birua we i stap long ol wok ples na long haus na ol i mas save long wei bilong menesim ol dispela birua.

Sampela ektiviti long wik i bin kamap long wei bilong ol wokman na wokmeri i mas save long ol birua na taim nogut, na ol i yusim ol tuls bilong luksave long dispela, na ol i lukluk long wei bilong no ken larim ol birua i kamap

na long was gut long taim ol i wok tumas winim taim na skin i les. Ol wokman na wokmeri i lainim tu wei bilong yusim spre bilong kilim paia na long wei bilong kirapim gen man i pasim win pinis bikos long hat atek birua.

Sefti wik long OTML i gat komyuniti awenes ektiviti tu olsem skul posta kompetisen o resis long toktok bilong rot sefti. Dispela resis i lukim 11-pela skul long Tabubil na Kiunga i go insait long en.



TABUBIL PRAIMERI SKUL: OTML Paia Reskiu Opisa, Peter Meli soim wei bilong yusim spre bilong kilim dai paia long ol skul sumatin bilong Tabubil Praimeri Skul long taim bilong Nesanel Maining Sefti Wik.



Paia Reskiu Supevaisa, Michael Kambu soim wei bilong sevim man taim em i painim birua insait long main sait.

Nawaeb fama famili kisim bisnis trening

OL Fama bilong Nawaeb, long Morobe Provins, bai kirapim ol famili bisnis we bai stap longpela taim, wantaim helpim bilong Australia gavman mani long wokim ol bisnis trening we i strongim ol meri long mekim moa wok long sait bilong wokim disisen.

Bisnis trening i givim tingting long wan, wan famili long wok olsem wanpela tim na wok bung wantaim ol narapela famili long kamapim ol tingting ol i gat long bisnis.

Trening i lukluk long wanem wei bai wanpela famili inap long kisim moa mani taim olgeta memba bilong wanpela haus i mekim wan, wan wok bilong ol na givim sampela fri taim long ol meri long wokim mani.

I bin gat 30 famili i stap insait long dispela trening we ol PNG na Australia lain yet i bin disainim na kisim mani long Australia Senta bilong Intenesenel Egrikalsa Risets (ACIAR).

Ol fama i kamap em ol i save wok long kopi, kakao, rais, lukautim kakaruk na long lukautim pis insait long bus ples. I gat 12-pela komyuniti eduketa tu i stap long trening long wanem ol bai inap long givim moa skul



Ol familii fama bilong Nawaeb husat i bin stap long bisnis kos.

long ol narapela fama famili husat i no gat sans long stap long dispela kos.

Insait bilong kos i gat tok stia long lidasip, lukautim liklik mani, lukautim gut taim, na long givim tingting long ol man long luksave long hamas wok ol meri i save wokim long haus, antap long wok bilong ol yet olsem ol fama.

Wanpela rais fama, Wama Dama i tok em i gat

strongpela tingting long kamapim gutpela wei bilong famili bilong em i save wok long graun bilong ol.

“Mi wok long mekim plen bilong kamapim ol bikpela projek tasol mi no save stori wantaim meri bilong mi na ol pikinini bilong mi,” em i tok.

“Nau mi luksave na mi holim strong ol famili wok bung. Taim mi go bek long ples, mi bai singaut long ol

famili na ol komyuniti long kam bung na mipela bai tok tok long wanem kain wei bai famili bilong mi na olgeta lain long komyuniti inap long mekim samting long kirapim gutpela sindaun,” Mista Dama i tok.

Wanpela Kopi fama, Norrish George i tok: “Samting mi lainim tude em i olsem yupela ol man em fama na mi olsem wanpela meri em fama tu. Yumi olgeta i gat

wankain wok tasol.” Provinsal na Lokal Level Gavman Program bilong Australia i bin bringim dispela trening long ol pipel long makim Australia Gavman.

Australian Hai Komisen ACIAR Kantri Menesa, Emily Flowers, i tok sapos ol famili i wok olsem tim, ol inap long stap amamas na kamapim moa wok.

“Taim ol meri i no gat

planti wok tumas long haus, ol bai gat moa taim long wokim ol narapela wok we bai kamapim mani bilong famili bilong ol,” Mis Flowers i tok.

PLGP i bing wokim wankain trening kos insait long Mul Bayer, Lumusa, long Westen Hailans. Bihain bai gat woksop long Talasea, Wes Nu Briten), Sohe long Oro provins na Nuku long Sandaun.

Panthers i daunim Roosters ...Sydney i stap bihain long lada



Te Maire Martin i putim wanpela trai bilong ol Panthers.

PENRITH Panthers i daunim ol Sydney Roosters, 20-16, long Sydney Futbol Stadium na dispela em i namba 6 lus bilong ol Roosters. Roosters i lus tripela taim long asples bilong ol long 2016 sisen na ol i no win inap long 6-pela raun resis we kosa bilong ol, Trent Robinson, i stap long bikpela presa nau. Rossters i lustingting long lukautim bal

taim ol i holim bal na ol i wok long dropim bal planti taim. Ol Roosters i painim hat long bekim tripela trai bilong ol Panthers. Nau Panthers i lusim namba 14 ples long lada na i kam antap long namba 10 ples, na ol i no go insait long top 8 bikos ol i sot long liklik poin. Saut Sydney i stap namba 8 na Gold Coast i stap nam 9 long lada.

Liz Parnov i kisim bagarap ...bai no inap resis long Rio

ETLIT bilong Western Australia, Liz Parnov, husat i pol jampa i tokaut long pablik long em i kisim bagarap i stopim em long dri-man bilong em long resis long 2016 Rio Olimpik Gems. Parnov i gat bikpela amamas tingting bilong resis long namba tu gem bilong em long Rio de Janeiro long mun Ogas, tasol ol i stopim em taim em i kisim

bagarap long leg bilong em long trening long las wik. Ol i bin kisim em i go long haus sik long klostu taim em i bin kisim bagarap na ol dokta i skenim na tok strong olsem em i kisim bikpela bagarap. Parnov i tok olsem leg bilong em bai kisim bikpela taim long kamap orait, tasol em bai no inap long lus tingting long spot.



Liz Parnov i resis long pol jamp.

Storm i win long golden poin

MELBOURNE Storm i bin kisim wankain poin wantaim Wests Tigers, 18-18, klostu long pinis bilong pilai tasol pilaia bilong ol Storms, Cooper Cronk, i sevim ol Storm we em i bin kisim wanpela fil gol long longwe, 19-18, na daunim ol Tigers long Leichhardt Oval.

Ol Tigers i bin putim wanpela trai na bungim skoa bilong ol Storms. Dsipela trai we Tigers i putim i mekim ol Storms long stap long bikpela presa. Tasol, Cronk i daunim presa bilong ol Storm wantaim golden poin na ol i amamas bihain long pilai i pinis.

Ol bai stopim golden poin rul bilong NRL



Hap bek bilong Brisbane Broncos, Ben Hunt, slip long graun long taim bilong 2015 NRL gren fainel resis.

GOLDEN poin win i kamap long 2015 NRL gren fainel bai kamap mak we ol komiti i toktok long stopim golden poin win long ol fainel resis. Ol bai toktok long yusim wankain rul bilong NFL we, long las yia gren fainel, ol Brisbane i ken kikim wanpela fil gol long larim

gem i go het. Ol i lukluk long dispela bikos kosa bilong ol Brisbane, Wayne Bennett, i gat bikpela askim long ol North Queenslan i win long golden poin, bikos ol i kisim bikpela poin taim ol i lukluk i go bek long ol poin ol i kisim long raun namba wan inap long ol fainel raun bilong 2015 sisen.

Boris Becker i krosim Andy Murray

KOSA bilong Novak Djokovic, Boris Becker, i krosim wol namba tu pilaia long tenis, Andy Murray, bihain long em i harim olsem ol i kisim drag. Murray i toktok long stopim ol pilaia i yusim drag long spot, bihain long ol i rausim namba wan meri pilaia, Maria Sharapova, husat i feil long wanpela tes long Marasen long pilai long Australian Open resis bilong dispela yia.



Novak Djokovic na Kosa Boris Becker.



Ol i bin putim Liz Parnov i go insait long ambulens bihain long em i kisim bagarap long taim bilong trening.



GLASIM RAMU NICO PROJEK



Wanpela Ramu Nico, Wanpela Komuniti

Ramu NiCo Main i no pas olgeta

INSPEKTA bilong Mine ananit long Minerel Risos Atoriti (MRA) i bin salim wanpla oda long Ramu NiCo projek insait long Madang provins i mas pasim wok long Basamuk Rifaineri long Raikos distrik.

Dispela Oda em i no pasim wok main long KBK Main na stopim ol narapela wok tasol Oda ya i givim tok long Ramu NiCo i mas painim wanpela Ted Pati Investigeta long painim aut as tru bilong dispela birua long Basamuk na stretim pas-taim.

Dispela Oda i bin kamap long Fraide Epril 15 na kwik taim wok long Basamuk Rifaineri i stop. Oda ya i kamap bihain long wanpela incident or wok birua i bin kamap long Epril 12 long 7:50am taim wanpela China man i bin dai na tupela PNG man i bin kisim bagarap taim ol i mekim wok long HPAL (High Presa Acid Leaching) long Basamuk. HPAL em wanpela masin we i save helivim long mekim kamap MHP or mix bilong nikel na cobalt.

Taim ol i kisim bagarap, Ramu NiCo i bin kwik taim hairim helikopta na kisim tupela PNG wok man i go long Modilon haus sik long Madang. Ol dokta bilong Basamuk i bin givim win long China wok man na traim long kirapim em tasol em i bin dai na bodi bilong em kampani i kisim go long Modilon hausik tu.

Taim MRA i givim dispela Oda ananit long lo bilong kantri, em i tok strong olsem olgeta HPAL long Basamuk i mas pas na olgeta wok lain long hap i mas lusim wok ples inap wanpela Ted Pati Investigeta long ovasis i kam na mekim wok painim aut long as tru bilong dispela birua na kamap wantaim sampela rekomendesen pastaim na wok bai stat.

Ol wok lain na kantri i mas

save olsem MRA i no stopim wok Mine long KBK na i mas go het yet wantaim ol narapela wok. Taim Ramu NiCo is kisim dispel Oda, kampani i welkamim luksave bilong MRA na top menesmen bilong Basamuk na Ramu NiCo bai work klostu wantaim MRA na Ted Pati Investigeta long dispel wok painim aut.

Taim dispela birua i bin kamap long Epril 12, Ramu NiCo i kwiktiam passim olgeta wok long Basamuk Rifaineri na toksave i go long MRA insait long 24 hours we lo i luksave long en. Bihain long dispela, tupela inspekta bilong MRA i bin kamap na mekim wok painim aut na bihain i givim dispel Oda long wok i mas pas.

Bihain long MRA i givim Oda, Ramu NiCo i bin stopim olgeta wok long Basamuk na kwik taim i bin luksave long sefti bilong ol wok man na meri i mas go pas.

Dispale oda bilong MRA i stopim tasol wok bilong HPAL tasol na ino stopim ol narapela wok olsem KBK Main na wok long laim stone na ol narapela wok long Basamuk na KBK Main.

Tasol wok bilong KBK Main tu i nau stop bikos ol graun malomalo or slari em KBK Main ino nap salim long paip igo long Basamuk taim nogat masin i wok long hap. Tasol KBK Main nau i mekim ol wok olsem kliarim bus na redim graun bilong dikim slurry, mekim dril na exploresin, wokim mentenens wok long washing plent, benefisiesin plent na mobile ikupment na ol hevi masin.

Kampani i no save hamas pela wik em dispela investigesin bai kamap tasol wok process em i stap olsem taim dispela Ted Pati Investigeta i mekim wok painim aut bai em i mekim rekomendesen bilong em na givim na MRA bai lukim na bihain bai tokim Ramu NiCo long wanem wok bai kam-



HPAL masin long Basamuk Rifaineri.



Basamuk Rifaineri long Raikos distrik we MRA i givim Oda long investigesin i mas kamap.

pani i mekim.

Dispela kain Oda bai i kisim longpela taim na proses long kamap long tingting blo MRA. Long nau yet taim kampani i bungim bikpela salens long prais bilong nikel i go daun na kost bilong operesin i go antap tru, Ramu NiCo i nau lusim bikpela mani taim operesin i stop.

Mines Inspekta ananit


long MRA i gat pawa ananit long lo long stopim kain wok taim man i kisim bagarap long taim bilong wok. Bikpela as tingting long stopim wok em long karim ol wok painim aut long glasim as stret bilong kain birua na kampani i mas stretim long absurim wankain birua i no ken kamap bihain taim gen.

Ananit long lo tu em olgeta kampani i mas i gat bikpela luksave long sefti bilong ol wok man, masin na enviromen na mas traim long abrusim ol kain birua i noken kamap.

Ramu NiCo em wanpela bilong ol main kampani insait long kantri we i save strongim wok sefti bilong em tasol ol kain

birua or incident i ken kamap long taim we kampani i no save.

Ramu NiCo i bin salim tok sori bilong em i go long ol femili bilong dispela China man husait i bin dai. Kampani i tok tu olsem tupela PNG wok man husait i kisim bagarap i stap orait na wanpela em i kam aut pinis long haus sik.



KBK Mining

135 KM Slurry Pipeline

BSK Refinery

Junia Pro-AM golp resis bai kamap

PLANTI ol pilaia bilong golp i gat bikpela sans long pilai long stat bilong 2016 Golp Junia Pro-Am inap long 2016 SP Ekspot PNG Golp Open resis bai kamap.

Dispela golp resis i stat pinis long Epril 19, 2016 long Royal Pot Mosbi Golp Klap. Em i redim sans bilong yanpela 27 golp pilaia long i gat amamas de long taim ol i pilai.

Long wankain taim, ol i kisim bikpela save long ol profesenel golp pilaia husat i kam long Queenslan PGA.

Long dispela yia, Benk Saut Pasifik i sapotim Junia Pro-AM wantaim K5, 000 long kamapim dispela resis. Siaman bilong Junia Di-velopmen Program, Shane Johnsson, i tok BSP Golp Junia Pro-AM resisi lukluk long kirapim tingting na strongim level bilong pilai bilong ol junia golp pilaia.

"Anit long Pro-AM, ol i givim bikpela sans long ol yangpela golp pilaia long mekim gut long level bilong ol long pilai na tu ol i ken i

gat sans long pilai wantaim ol profesenel golp pilaia long narapela kantri bipo long 2016 PNG Golp Open resis bai kamap," Johnsson i tok.

"Dispela sans em i wanpela rot we Royal Pot Mosbi Golp Klap i redim bilong ol namba wan golp pilaia long neks jeneresen bilong PNG bai kamap long en."

Benk Saut Pasifik i lukim dispela sponsasip olsem namba wan rot bilong kamapim ol golp pilaia husat bai kamap bihain na strongim ol yangpela golp pilaia long lainim plantim samting long sait bilong pilai golp.

BSP Junia Golp PRO-AM i bin stat long yia 2013 na na dispela em i namba foa yia bilong em long ranim dispela program.

Dispela resis i bilong kirapim tingting bilong ol yangpela golp pilaia long kisim ples bilong dispela spot long bihain taim na nau ol i ken save gut long ol skil bilong golp taim ol i pilai wantaim ol profesenel golp pilaia.



Piksa i soim yangpela golp pilaia long PNG i sanap wantaim profesenel golp pilaia husat i kam long Queenslan PGA

APNG i tokaut long renking lista

ETLETIK Papua Niugini (APNG) i tokaut long renking lista bilong ol etlit husat i soim gut kala bilong ol long dispela yia.

Planti ol etlit i bin soim kala bilong ol long ol narapela kantri tasol nau ol i stat long lukluk long Papua Niugini wantaim ol trek na fil resis i laik kamap long

kantri.

Nupela risal bilong PNG i bin kamap long Lae we tupela etlit, Wesley Logorava na Peniel Joshua, i bin soim kala bilong tupela long sisen i stat.

Long wankain taim, Nancy Malamut, i soim kala bilong em na i resis long 400 mita bihain long em i statim

Travertz i pinis long tripela mun trening

JACKLYN Travertz i bin kam bek long Pot Mosbi long las wiken bihain long em i pinisim tripela mun trening long Allora long SE Queenslan wantaim Australia Hama na Diskas Sempion, Mathew Denny.

Jacklyn i kamapim kala bilong em long nesenel rekot long ol i bin tromoi hama we em i bin tromoi inap long 37.23 mita.

Travertz i gat 22 krismas na em i bilong Daru, Westen Provins. Em i go insait long Tim PNG taim Pasifik Gems i bin kamap long las yia, 2015, bihain long kosa bilong tromoi hama, Paul Bannister i bin tok orait long Jacklyn long joinim Tim PNG.

Menesa bilong PNG Hai Pefomens Trening Yunit long Pot Mosbi, Aaron Alsop, i bin salim Jacklyn i go long Bannister bikos em i bin resis gut.

Insait long ol Pasifik Ailan kantri, PNG i no gat sampela etlit i save tromoi hama namel long planti yia bikos PNG i no gat ikwipmen na gutpela hap bilong tromoi hama, na i no gat sampela kwalifai kosa i stap.

Tasol, kosa Paul Bannister, i bin kam long Pot Mosbi long yia 2014 long em i laik lukim ol man i tromoi hama. Bannister i bin kisim Travertz na em i bin mekim arenmen long salim em i go long Queenslan long mekim wok redi long resis long Queenslan Sempionsip na Australia Nesenel.

"Jacklyn i bin mekim gut liklik long nesenel rekot bilong em long 35.78 mita na i go antap long 37.23 mita, tasol ol i bin askim em long tromoi long 40 inap long 42 mita long trening. Em i no gat inap taim long kamap kwalifai long resis long Australia Nesenel," Presiden bilong Etletik PNG, Tony Green, i tok.

"Nau, Jacklyn i lukluk long PNG Nesenel Sempionsip long Lae long Jun 10 inap 12, na Melanesien Sempionsip long Fiji, we em i lukluk long resis egensim Brianna Stephens long Nofilk Ailan na sampela Nu Kaledonia tu."

Travertz i tok olsem trening wantaim Denny i kamap namba wan tru em i lainim planti samting.

"Nau mi gat inap save long resis wantaim intenesenl etlit long tromoi hama," Jacklyn i tok.

"Mi laik go het na makim kantri bilong mi long bikpela resis long spot we planti etlit bilong mipela i no pilai long en."



Ol memba bilong nupela Basamuk Kik-boksen klap i soim stail bilong ol long pait. *Poto James G. Kila*

etletik spot bilong em long 100 mita na 200 mita resis.


I gat moning resis bai kamap long olgeta Sarere long Lae insait long 7-pela wik i stap yet long redim ol etlit long ol bai resis long Nesenel Sempionsip long betde taim bilong Kwin.

Ol i strongim ol etlit long pinisim rejisresen long dispela wik na givim long Sir Ignatius Kilage Stediam long Sarere 09.00 klok moning long resis.

Long dispela wiken em ol

bai lukluk long Program A resis bai kamap em 100 mita, 400 mita, 1500 mita, 100 mita hudel, tripol jump, hai jump na sot put. Ol dispela program bai kamap gen long Me 7, Me 21 na Jun 4.

Long resis long neks wiken em ol bai stat long Epril 30 na ol bai lukluk long Program B resis bai kamap em 200 mita, 800 mita, 3000 mita, 400 mita hadel, long jump, diskas na javelin. Ol dispela program bai kamap gen long Me 14 na Me 28.



Jacklyn Travertz i trening long Allora, SE Queenslan long Australia.

Nupela kik boksen klap i kirap long Basamuk

JAMES G. KILA i raitim

SAMPELA wokman bilong Basamuk Rifaineri bilong Ramu NiCo Menesmen (MCC) long Basamuk Rifaineri long Raikos distrik, Madang province i kirapim pinis wanpela nupela kik-boksen klap.

Dispela nupela Basamuk Kik-boksen klap i stat long dispela yia na i mekim wok redi long sanap strong long kisim ol nupela memba. Wanpela man hailans, David Pango, bilong Erave, Sauten Hailans i kamap wantaim dispela tingting long kamapim boksen klap long promotim spots namel long ol wokman long rurel ples olsem Basamuk bilong wokman i stap helti na strong, na lukautim bodi bilong ol.

Pango husat em i wanpela man bilong toktok tumas na i askim ol lain husat i gat laik

long joinim klap na promotim dispela spot long Raikos eria.

"Mi laik kamapim disiplin na pasin blong harim tok na soim gutpela pasin na rispek long ol narapela lain we dispela spot kik boksen i save kam wantaim dispela kain pasin," Pango i tok.

Em i tokaut tu olsem planti taim em i save lukim olsem taim ol wokman i pinis wok, ol i save go kaikai tasol na go long rum bilong ol na slip. Tasol, ol i no save wokim ekseisais. Olsem na em i laikim ol i go insait long kain spot olsem kik-boksen long lainim ol yet long mekim ekseisais na mekim bodi bilong ol i kamap fit na helti na tu, ol bai i gat save long banisim ol yet long taim ol i bungim birua long hap rot.

Seketeri bilong klap, Jonathan Karato, i tok olsem ol i raitim pas pinis long sampela sponsa long helpim ol na sapotim dispela nupela klap long Raikos distrik.

Pango i salim toksave tu i go long ol yangpela man long ol asples klostu long Basamuk Rifaineri husat i gat laik long kik-boksen long joinim dispela nupela klap. Trening bilong ol i save kamap long komyuniti senta long nupela kemp long Basamuk.

Long las mun tasol Pango i redi long salim wanpela paita bilong em long go long wanpela tonamen long Goroka tasol dispela tonamen i no bin kamap. Ol ogenaia i skruim tonamen i go long Pangia distrik long Sauntan Hailans long neks mun.

TAU Spotswe i sponsa long Digicel Netbal Tim



Digicel Netbal Divisen 5 Tim wantaim nupela yunifom bilong ol.

TAU Spotswe PNG i sponsa long Digicel netbal tim wantaim ol nupela yunifom.

Digicel i pilai long namba wan gren fainel resis long divisen 5 bilong Pot Mosbi Praivet Kampani Netbal resis egensim Ginigoada long las wik Sande long Rita Flainn Spot Kompleks.

Menesa bilong Digicel Netbal Tim, Susanne Memafu-Pala i tok tim bilong

em i amamas long TAU Spotswe long sapotim ol.

"TAU Spotswe i mekim wanpela bikpela wok wantaim ol nupela yunifom bilong mipela na mipela i save olsem mipela bai go insait long gren fainel wantaim ol strongpela yunifom bilong mipela long namba wan taim gren fainel resis bilong mipela," Susanne i tok.

Shp Menesa bilong TAU

Spotswe, Edmond Lugabai, i tok olsem shop i amamas long givim ol nupela yunifom i go long Digicel netbal tim long taim bilong ol long resis long gren fainel.

Dairekta bilong TAU Spotswe PNG, Robert Kimai, na Lagubai i givim ol yunifom i go long Digicel netbal tim long het opis bilong Digicel long las wik Fraide, 15 Epril.

Ol kepten i kamapim K6, 000

OL Kepten bilong Digicel Kap tim i kamapim K6, 000 bilong Laif PNG Care taim ol i lonsim Digicel Kap 2016 sisen.

Tupela kepten bilong Agmark Rabaul Gurias, Nelsen Deplen, na TNA Simbu Lions, Jolam Jerry, i helpim ol long kamapim ol dispela mani taim tupela i pasim ragbi bal i go kam namel long tupela yet long pul bilong Laguna Hotel.

CEO bilong Digicel, Nico Meyer, i amamas long givim dispela sek i go long Dairekta bilong Laif PNG Care, Collin Pake.

"Mi amamas olsem mipela i ken kamapim mani bilong Laif PNG Care bikos em i wanpela ogenaisesen we ol i save helpim nating na kamapim sampela gutpela samting long laip bilong ol pikinini na yangpela husat i no gat gutpela bekgraun na i save stap long Pot Mosbi," Meyer i tok.

"Digicel kap i lukluk long bungim olgeta komyuniti na mipela i lukim olsem dispela em i wok wankain olsem Sariti Kik- Of ektiviti.

"Mipela i ting olsem wantaim mani mipela i givim i ken sapotim Laif PNG Care

long bringim wanpela gutpela tingting long laip bilong ol na ol bai developim ol pikinini bilong yumi."

Em i tok moa olsem Digicel i kamap opisal sponsa bilong ragbi lig premiasip resis bilong PNG insait long 6-pela yia.

"Olsem bikpela sponsa bilong premia spot resis bilong dispela yia, Digicel i amamas long bringim ragbi lig i go long olgeta hap long kantri na redim hai kwaliti televisen servis bilong ol kastoma bilong yumi i ken lukim," Meyer i tok.

Digicel kastoma i gat sans long kisim fri tiket



Piksa i soim, Terry Yamandi, husat i winim wanpela tiket na i sanap wantaim ol kepten bilong ol Digicel Kap tim long taim ol i lonsim Digicel Kap resis.

FOAPELA hap bilong Pot Mosbi i gat sans long lukim ol i lonsim Digicel Kap long Mande 11 Eprillong Laguna Hotel. Dispela em 33 pesent promosen bilong Digicel.

Digicel i putim awod long ol mobail kastoma husat i stap insait long promosen na i gat sans long winim tiket long olgeta wiken long lukim ol bikpela resis ol Digicel Kap Kik Of na Yumi FM Digicel Musik Awod.

Foapela lain husat i kamap wina long namba wan taim long dispela promosen em

Wendy Titus, Terry Yamandi, Mary Samor na Nesa Vaia. Ol i kisim wan wan VIP tiket na ol i go long hap ol i lonsim Digicel Kap.

Terry Yamandi em i sapota bilong Mendi Muruks na em i bin go insait long bungim tim kepten, Issac Mel, long taim bilong lonsim Digicel Kap.

Terry i tok tenkyu long Digicel long givim bikpela promosen i go long kastoma na ol i lukim dispela bikpela iven.

Hetman bilong ol kon-

suma long Digicel, Khattar Fehmi, i tok olsem dispela kempeng bai givim ol tiket long ol resis bai kamap long Pot Mosbi na ol narapela hap bilong kantri tu.

"Dispela em i no amamas promosen bilong ol lain husat i stap long dispela taim tasol, nogat. i gat sans long tok tenkyu long ol kastoma i topap long ol pripeid bilong Digicel tu," Fehmi i tok.

"Ol wina bilong kisim fri tiket i gat sans long kisim poto wantaim ol pilaia tu."

PS i helpim Nesenel skwat etlit

PRIMA Smallgoods i helpim Nesenel skwat etlit husat i trening long Lae. Ol i mekim wok redi long Nesenel sempionsip resis na PNG Gems resis bai kamap long dispela yia.

Seketeri bilong Etleitiks PNG, Philip Rehder, i tok, nau ol i gat 14 nesanel skwat etlit long ol narapela hap bilong kantri i stap pinis long Lae.

Planti ol etlit em ol memba bilong junia skwat, husat i wanlain bilong developmen program bilong Etleitik PNG.

"I gat sampela senia etlit tu bai kisim skolasip long go skul long ol kolis long USA bihain long dispela yia.

"Dispela em i namba wan samting we ol bai stap wantaim na lukluk long ol trening fesiliti long trening wantaim bikos ol dispela fesiliti em mipela i no gat long kantri," Rehder i tok.

Em i tok tenkyu long Prima aninit long Nesanel Sels na Maketing Menesa, Kola Geri, long kampani i sapotim ol etlit long ol i givim mit prodkat long olgeta fotnait.



CEO bilong Digicel, Nico Meyer, i amamas na givim sek i go long Dairekta bilong Laif PNG Care, Collin Pake.

SP Hunters redi long Bears

i cam long bek pes

Hunters i winim dispela kap long las yia na nau ol bai lukim sapos ol ken holim gen long dispela yia.

SP Hunters bai lusim co-kepten bilong ol, Noel Zeming, long liklik bagarap long lek bilong em na ol i kisim sampela olupela pilaia bilong i stap aut long pilai long sampela wik kam bek insait long lain ap bilong ol.

Adex Wera, bai kam bek long senta long kisim ples bilong Zeming, bihain long em i pilaim 50 gem bilong em wantaim Hunters long

fulbek las wik. Stargroth Amean bai kam bek long namba wan jesi bihain long em stap aut long las wik pilai namel long Devils. Ase Boas i kisim namba 6 jesi long brata bilong Watson Boas na bai joinim Atte Bina. Bland Abavu i kam bek insait long tim na bai stap long risev wantaim Wartovo Puara, Timothy Lomai, Edward Goma na Benjamin Hetra.

SP PNG Hunters lain ap em

- 2 Justin OLAM
- 3 Adex Wera
- 4 Thompson Teteh
- 5 William AQUILA
- 6 Ase BOAS
- 7 Atte BINA
- 8 Henry WAN
- 9 Warren GLARE
- 10 Esau SIUNE
- 11 Tuvi LEPAN
- 12 Adam KORAVE (Capt)
- 13 Brandy PETER
- 14 Wartovo PUARA Jnr
- 15 Timothy LOMAI
- 16 Benjamin HETRA
- 17 Edward GOMA
- 18 Bland ABAVU



ESCO Telstars anda 13 meri tim.



Sofbal tim bilong ol Wantok meri A gret.



GIVIM SPES: Pilaia bilong Stingers i redi long ran long namba tu bes long las wiken pilai bilong ol.



MAKIM GUT: Gol suta bilong Fedil i makim ring taim gol atek bilong Kina i putim was long em long gren fainol bilong divisen wan long Sande.



BAI YU GO WE: Pilaia bilong Norths Devils i kisim bikpela takol long ol pilaia bilong Hunters. SP PNG Hunters i kam bek strong na winim ol Devils 38-22.



ISI YA: Pilaia bilong Taragau wantaim bal i traim long abrusim pilai bilong Brothers long Pot Mosbi Ragbi Lig resis.



EM YA: Wing Difens bilong Theodist i tromoi bal long wan pilaia bilong em long praivet netball fainol.



KAM TAKOLIM MI: Bikpela fowod bilong Isapea i traim long brukim banis bilong Vipera long namba wan gem bilong Digicel Kap resis long Pot Mosbi. Isapea i win 18-16.



DIANA

Tuna

Niupela Swit Teist
Nau Igat Moa Oil!



PNG's ORIGINAL TUNA

PNG MADE  Manufactured by:
RD TUNA CANNERS LTD.

SP Hunters redi long Bears

Nicky Bernard i raitim

SP PNG Hunters i redi long raun 9 pilai wantaim ol Burleigh Bears long Brisbane, Australia long dispela Monday nait.

Hunters i kam bek bihain long namba wan hap long las wiken pilai wantaim North Devils long Nesanel Futbal Stadium long Sarere nait we ol winim pilai 38-22.

North Devil em wanpela bikpela tim long Kwinslen Kap long wanem ol i kamapim planti gutpela pilaia nau i pilai long NRL olsem Greg Inglis, Cameron Smith na sampela moa. Tasol Hunters i mekim rekot ol i bilong I klin long winim ol long olgeta gem taim ol pilai wantaim ol taim Hunters i go insait long Kwinslen Kap.

SP Hunters i lukluk strong gen long pilai wantaim Bears long Monday apinun we dispela pilai bai tupela tim wantaim i pilai long winim Kokoda Kap long tingim Wol wo tu i bin kamap long hap.

lukim moa long pes 26

Bikpela fowod bilong SP Hunters Timothy Lomai i autim bal taim ol pilai wantaim Devils long NSF long Sarere nait. Hunters i win 38-22. Lomai bai traिम strong bilong em gen long Mande avinun long Brisbane. Poto: Nicky Bernard



ISUZU N-SERIES

the Perfect Business Partner.